

四庫全書

史部

欽定四庫全書

史部

浙江通志卷一百四十八

九

詳校官給事中_臣戴璐

檢討_臣德生覆勘

總校官編修_臣倉聖脉

校對官學正_臣湯垣

謄錄監生_臣陸鼎

欽定四庫全書

浙江通志卷一百四十八

名宦

三

總轄

明

下

孫原貞

湯斌孫原貞傳名瑞以字行德興人永樂進士累官浙江布政使正統末浙閩盜起景泰

初原貞圖上方畧

入擒其魁而溫州餘賊猶未

滅拜原貞兵部左侍郎鎮守浙江擒其巢俘斬賊

首陶得二等詔撫三千六百餘人復分兵勦平餘

寇奏析麗水青田地增設雲和宣平景寧三縣建

官置戍盜患遂息浙官田賦重原貞請均於民田
輕額者賦得以平進兵部尚書鎮守如故未幾移
鎮福建已復鎮浙江所
至有勞績在浙江尤著

劉廣衡

獻徵錄字克平祥符人永樂進士正統中以
郎中往浙江預備荒政遍歷郡邑區畫得粟

數百萬石為四倉以儲之督勸有司築陂塘抑豪
強拯困糴事集而民不擾累陞右副都御史景泰
時浙江福建民鄭懷冒王孝忠等作亂特勅廣衡
馳往督兵捕之廣衡察其嘯聚之故以山有銀場
連亘深僻賊得以潛伏其中即命伐山通道具奏
設縣治以便巡視患遂息守臣以所獲賊屬俱論
逆廣衡覈其實得首惡十人餘
悉縱之天順初陞刑部尚書

賈恪

祥符文獻志字惟恭祥符人正統進士以御史
理浙江銀課時處州寇發嚴設備禦民賴以安

尋命巡按浙江薦廉能鋤
奸頑洗冤澤物克稱其職

謝騫

獻徵錄字鵬舉太平人登進士第拜監察御史督察鹽課於浙風紀大振無敢私販者有冢宰

子弟怙勢犯之悉置於法時處州盜起躬入賊巢諭散其黨計擒其酋一方遂寧

白圭

湯斌白圭傳字宗玉南宮人正統進士遷浙江布政使值葉宗留亂後力請奏蠲逋賦浙人以

安官至兵部右侍郎謚恭敏

黃譽

閩書字廷永莆田人正統進士景泰初任浙江按察司僉事時有內官陳姓者至寧波市舶縱

其義兒為暴百姓聞譽至皆來赴訴譽捕訊如法立斃杖下尋擢湖廣參政

鄺彥譽

湖廣通志字美中臨武人英宗時薦舉知錢塘縣歷陞浙江按察司僉事浙飢金華等郡

民強發富豪粟官不能禁彥譽便宜發官廩賑之
不足則貸於素封民遂帖然太湖賊嘯聚率衆討
平之晉廣
東按察使

孫珂獻徵錄字廷珍福山人景泰進士以御史按浙
適歲大比珂監其事宿弊頓革行部一尚威嚴

凜然人莫敢犯所至仰寬
抑除奸豪官至大理寺丞

梁棻獻徵錄字叔車泰和人天順間任浙江左布政
使為政不動聲色惟廉惟謹以率之利興害除

民仰之如神明尊之如父
母迷職賜宴禮部卒於官

邢宥獻徵錄字克寬海南人正統進士天順時知台
州府府吏舊皆僦屋以居而新參者輒入公費

金宥即府治東闢地免新參金令自治屋尋以事
就逮父老有懷金竊覬者宥曰吾無用此謝絕之

後陞浙江右參政擢僉都御史理兩浙鹽罪偽造引私販渠魁數十人官給煎鹽具俾濱海民兼主之山居者出米給焉民兩利之鹽賦無虧

李顯

獻徵錄字思誠博羅人正統進士授浙江左布政使錢塘江溢衝鰲隄岸壞民田廬顯治之人賴以安廉靜寡慾歷官中外皆著政績為時所稱

和維

獻徵錄字振綱河陰人仕浙江按察司僉事販絲民有值劫者亡其刀獨鞘在權貴者遂誣機

戶姜等劫日用絲劫絲維召販者問曰若絲何驗曰囊上印廣昌郡字於是密遣邏旁邑至海寧插秧人禪上隱隱有字執訊之具服問刀所在曰在新宮橋下取驗之實販者所亡刀權貴人大慙

韓雍

嘉靖浙江通志字永熙長洲人正統進士天順末以兵部右侍郎出為浙江叅政素望服人在

浙興利除害靡不允當
仕至右都御史謚襄毅

朱紳

陝西通志字公垂河州人景泰進士天順中浙江按察副使巡督海道興學校築海堤立義塚

賑貧施藥重名節有靖海蜚聲之譽轉貴州布政使

梁昉

廣東通志字景熙順德人景泰進士授蕭山知縣禮賢興學治甚有聲三載擢御史遷浙江按

察司僉事善擊斷不避權勢發奸摘伏豪猾遠徙卒於官生平廉介不名一錢

劉孜

湯斌劉孜傳字顯孜萬安人正統進士天順中以右副都御史巡撫江南十府財賦自周忱立

法後代者多紛更孜首訪忱遺蹟斟酌行之成化元年杭嘉諸府運糧僉補富戶孜疏請罷焉召拜

南京刑部尚書

劉鈺

江西通志字伏和安福人天順進士成化初任浙江提學副使精鑒得士科條肅然儒風丕振

遷按察使聽訟明允
剖覈發隱庭中稱平

劉璋

閩書字廷信南平人天順進士成化中歷浙江左右布政使歲計欠米二十二萬石軍儲停支
皆為棄伍璋為設法補足歲計
外餘六萬石仕至工部尚書

余子俊

嘉靖浙江通志字士英青神堡人景泰進士成化六年為浙江左右布政使外和緩而內嚴

覈正不詭俗廉不近名御史按浙者咸畏敬歛束
凡文移必自起草每夜分方寢尤留心於水利農
田民多受益仕至
兵部尚書謚肅敏

夏寅

泳化類編字正夫松江華亭人正統進士任浙江參政適處州民走聚山谷招之不聽曰須夏

參政來乃可寅檄至即散
還其家信義素聞蓋如此

李嗣獻徵錄字克承南海人景泰進士知金華府下
車行鄉飲酒禮有司設主席設核視賓倍遽命

撤之由是吏民知風指不敢干以私奏立正學書
院祀先儒何王金許四賢重修麗澤書院俾郡人
知所嚮以治地僻遠民苦賦役奏請割三郡近地
設湯溪縣以便之遷浙江右參政轉左修築長堤
以禦紹興寧波海漲二郡民賴其利又上
軍政數十事皆行之仕至戶部右侍郎

張悅吾學編字時敏華亭人天順進士為浙江提學
初糊名校士尋去之曰我且自疑人誰信我請
託覲覲訖不為動士皆
帖服所獎拔皆閩人

杜謙獻徵錄字益之昌黎人景泰進士浙江右參政
陞右布政使轉左謙在浙十有三年其建制多

可為經久計天下每歲上供綵段唯浙最多有造作不如常度者輒坐閱視官罪每當閱視輒推延以避責有積數年更數人者積久蒸池損壞以致重造多費謙至閱視凡諸郡累年之積次第閱訖即上進自後閱進以時其為政以忠厚仁恕為本有惠利於人浙之士民稱頌之

方珪

福建通志字純潔莆田人成化進士巡兩浙鹽課時有權貴之子鬻販私鹽巡撫檄蘇州府代

為散給民間收利數倍珪寘諸法因劾其父貪利盡法都御史附勢剝民知府朋姦不職自是豪猾

斂迹

段敏

分省人物考字維中金壇人天順進士累官浙江參議值岷賊倡亂敏多設疑兵以惑之間道

提精銳直搗其巢穴衆皆散解渠魁殲焉敏居官廉謹一介必嚴家無中人之產

楊瑄

吾學編字廷獻豐城人景泰進士任浙江按察副使定海城北捍海塘縣西走馬堤霏衢所裏

外海塘健跳所海鹽海塘皆瑄修築海鹽塘踰二千三百丈工尤巨陞按察使力振憲度察吏奸斷

訟明敏無留獄禁官署毋蠶桑以爭民利諸婦女母入寺觀隳風俗甫半載病亟察案問候尚論築

海塘法及濬西湖之利無片言及私

張敷華

名山歲字公實安福人天順進士成化中浙江右參議監溫處二府銀課時景寧礦盜起

鎮巡議勦敷華榜示招撫從數十人曉諭之皆聽命陞參政遷右布政使皆在浙凡十餘年不求赫

赫聲而境內大治仕至左都御史謚簡肅

侶鍾

湯斌侶鍾傳字大器鄆城人成化進士授監察御史按浙江力持憲綱凡行臺亭榭舊以備游

眺者悉封不視嘗曰小民之不得安於田里者有司虐政害之也彼賣菜傭何能為哉一時墨吏皆望風引疾去仕

至戶部尚書

張穆

獻徵錄字敬之崑山人登進士任浙江右參政清理軍務先是奏者言軍曾補伍久無明文勾

補者恐迷匿失伍例解丁就補而涉歷阻修多死於道穆一以移文行查兵民兩便寧違例不顧也掌司事考覈諸司官凡評薦才職之稱否無濫與輕黜

楊繼宗

湯武楊繼宗傳字承芳陽城人天順進士成化初擢嘉興知府以一僕自隨時時集父老

問疾苦為祛除之大興社學民間子弟八歲不就學者罰其父兄御史孔儒清軍里老多撻死繼宗榜曰御史杖人至死者詣府報名儒怒繼宗入見曰為治有體公但剔奸弊勸懲官吏若比戶稽劾

則有司事也。儒不能難而心甚銜之。瀕行突入府署發篋視之。敝衣數襲而已。儒慙而去。中官過者索錢。繼宗即發牒取庫金曰。金具在。與我印券。中官咋舌不敢受。入覲。汪直欲見之。不可。憲宗問直。朝覲官孰廉。直對曰。天下不愛錢者。惟楊繼宗一人。九載秩滿。遷浙江按察使。時倉官十餘人坐缺。糴繫獄。至鬻子女以償。繼宗欲寬之。而無由。一日送月俸至。命量之。則溢原數較他司亦然。因悟倉吏缺糴之由。將具實以聞。衆懼願捐俸代償。由是十人者獲釋。閩母喪立出止驛亭下。盡藉廨中器物付有司。惟攜一僕書數卷而還。仕至僉都御史。

黃榮

福建通志字儼仁莆田人成化進士浙江按察司僉事瀋杭州運河自江干抵北關凡數十餘

里居民利之

王恕

嘉靖浙江通志字宗貫三原人正統進士成化間巡撫南畿兼抗嘉湖等處時中官王敬乘傳

東南搜索奇玩所至驚懼恕上疏力言敬失人心損國體傷和氣召災沴久之敬等俱收捕下獄中

外稱快咸謂其有回天之力仕至吏部尚書謚端毅

李昊

分省人物考字志遠上元人成化進士歷陞浙江參議值紹興水災民飢告病特寬其逋負湖

州政設孝豐縣營治新建一新嘉興百戶陳輔以衆劫府庫分捕擒之

舒清

江西通志字本直德興人成化進士除工部主事抽分浙江權政為民築堤以禦水患號舒公

堤居官清約如寒素仕至四川參政

魏富

獻徵錄字仲禮龍溪人成化進士浙江按察司僉事進副使重舞文告訐之禁有豪猾誣縣令

富為直之浙東岸江田為水所鑿富命築石隄凡捍田若干頃歲飢賑貧民所活甚多官至刑部侍郎

彭韶

吾學編字鳳儀莆田人天順進士成化時以刑部侍郎巡視浙江兼理鹽法韶繪煮海貧人曬

洲熬負折閱朋儕之苦節為入圖以獻仕至刑部尚書謚忠安

盧廷佐

分省人物考字保竹江寧人天順進士成化中為浙江布政司參議東陽民杜春與道士

某偽立遁券誣良民逼索之反以誣告廷佐攝至疑之乃各幽一室俾不相通而以所書券紙互相詰問其誣立白巡衙聞開化江山民為處盜所掠即躬歷二邑廣詢父老修舉隘口砦堡立保甲法復募人捕盜示賞格果於龍泉獲盜屬邑歲均徭編里定則榜示於衆所司區榜更張而罔取諸民

廷佐創置闕防由帖命田老率徭戶審之已而書之由帖唱名而給其獎乃革

戴珊

吾學編字廷珍浮梁人天順進士成化二十年任浙江按察使德性和粹顧耿耿不苟合奉職

守法不為物撓祿仕四十餘年家無餘資官至左都御史謚恭簡

暢亨

湯斌暢亨傳字文通河津人成化進士御史按浙奏罷上供綾紗等物考察官吏奏免一百餘

人弘治元年二月景寧縣屏風山異獸萬餘大如羊色白銜尾浮空去亨請罷溫處銀課而寘鎮守中官張慶於法章下所司銀課得減責慶陳狀慶因訐亨亨又劾僉事鄒滂滂亦訐亨慶構之謫涇陽知縣

劉大夏

嘉靖浙江通志字時雍華容人天順進士浙江左布政勤撫字緩催科移檄郡縣務在節

用愛人不許興無名工作郡縣起解銀兩例有秤頭火耗嚴禁吏胥一毫不取歷兵部尚書謚忠宣

趙寬

獻徵錄字栗夫吳江人成化進士浙江按察司副使提督學政學問淹貫能推所得以變士習

經指授者為文皆有程度不以權勢有所軒輊遇人坦率不事表襮浙士愛而重之進廣東按察使

楊峻

湯斌楊峻傳字惟高進賢人成化進士歷遷副使按察使左布政使皆在浙有報父仇抵死者

峻以其孝特釋之鎮守中官恣橫峻面數其罪取鐵索欲與之駢鎖詣京勢乃稍戢改南光祿寺卿

張憲

獻徵錄字廷式德興人成化間進士弘治中浙江右布政使鎮守中官縱左右虐民而攫其財

憲廉得其人置於理岳武穆祠在西湖故有祭田二頃為勢家所據憲撫覈畀祠人訪其苗裔使占籍倚郭得食其租入以世其烝嘗交承例閱庫藏主史報羨銀若干憲曰杭人方苦匱貢以此助之

豈非一分之賜乎吾弗能竊取為自殖計也仍封識責之主吏仕至南京工部尚書

陸容

獻徵錄字文量太倉人成化進士任浙江右參政究察民隱振作士氣行縣至桐廬發漁家兒

弟殺於潛丐者夫婦事人傳以為神既乃條列浙中便宜十事悉見施行間因公務入京論漕渠利病語斥權貴益容少即有志天下如兵刑水利之類有所得輒手書之冊後多見於用云

賈鉞

獻徵錄字良金安陽人成化進士以御史按兩浙值溫處礦賊陳廣霸等搆亂提兵勦平之轉

福建按察

司僉事

韓鎬

獻徵錄字民瞻廬氏人成化進士浙江右參議屬浙大旱金衢飢民劫掠鄉村往來東陽義烏

山中鎬遣人諭之曰汝飢民何罪吾將賑之宜各散去否則勦殺之固不分飢民與盜也聞者悉遁

即命各縣發粟賑濟且令鄉村嚴立保伍相糾察
由是數郡肅然陞左參政寧紹溫台四府濱海歲
輸粟於沿海各倉而鄞縣糧長詐稱出洋遇風沈
溺復議重徵積弊累年鑄廉得其實衆皆驚服陞
右布政使海鹽濱海塘岸崩塌數千丈衆議塞之
費無所辦鑄曰塘雖決舊石猶在入海鹽糧長當
追餘價數千兩行令每銀若干兩修塘一大當衝
之田亦令若干頃修塘一大糧長憚於出銀誠得
修築則米價雜貨皆可催役況舊石之外增添不
多牛歲可塞也不三月而塘成仕至湖廣巡撫

周孟中

名山藏廬陵人成化進士任浙江布政使凡
先賢遺跡輒崇尚以示向往溫州無名之戶

二十村僉減織
造歲幣十之半

畢亨

名臣言行錄字嘉會山東新城人成化進士浙
江右布政先是歲造官緞二萬貯司年久避咎

莫敢驗解亨毅然當之浙中飢出內帑賑給既有為飛語中傷者事白而清操益勵陞右副都御史

巡撫

甘肅

雍泰

名山歲字世隆咸寧人成化進士弘治初浙江右布政使吏部尚書屠瀟家衆販私鹽鄉人傲

效盜竊橫行泰先收屠家衆抵罪同官咸諍泰曰如此為屠公福耶且屠公寧知之屠公不知我為

禁治非其助耶仕至南京戶部尚書

伍符

獻徵錄字朝信安福人成化進士任寧波知府以古循吏自効有豪右怙勢橫暴者捕而治之

篤意學校課諸生講習所獎拔如聞淵輩為時名卿均徭役治水利減筵宴戒戲劇考察天下知府以符為首嘗歲祲符令民下海網捕為活海道噤巡按劾逮士民七千餘人赴闕疏符為民得罪之

故孝宗釋之擢浙江左
參政仕至直隸巡撫

曹時中

錢福曹時中傳名節以字行華亭人成化間
進士歷浙江按察司僉事執法著廉聲以艱

歸復補浙江浙人曰是再來生我也未幾又轉浙
江副使專巡海道武弁以賄賂為恒曰歲例時中
曰此賊也非例也請自我
始拒之威令大行旋致仕

王璟

湯斌王璟傳字廷采沂水人成化進士弘治十
四年以僉都御史理兩浙鹽政賑荒浙省奏行

荒政十事多所全活仕
至右都御史謚恭靖

林廷選

閩書字舜舉長樂人成化進士任浙江僉事
歷副使為人內明外寬議論依於忠厚在浙

久凡官舍所需必遣人市他省觀風使者廉有司
強市民物獨廷選無有由是聲名益章仕至南京

工部
尚書

徐源

獻徵錄字仲山長洲人成化進士歷浙江右布政使三蒞場屋浙藩拆卷多儒士御史意欲有

所前卻源曰科場所取者文即通榜儒士何傷源溫粹寬仁人稱長者而臨事執守堅定雖當官蒞政未嘗一日去書不觀仕至山東巡撫

張文

獻徵錄字存簡泰州人成化進士任浙江按察司副使有鹽商李成誣販鹽者為盜轉引至十

九人初訊者以為實多疾死獄中存者僅六人文覆訊疑之審詰得其情六人者幸不死餘平反者尚多在浙踰年大率以洗冤澤物為已任

范鏞

陝西通志字鳴遠鞏昌衛人成化進士浙江按察僉事蕭山尹鄒魯警其邑御史何舜賓陷之

死鏞廉得其情以魯抵何死進按察副使備兵建昌後浙省因海潮損壞民田民心洶洶朝議以浙東民素服鏞屬鏞撫之修築海塘開濬河道民咸安堵擢操江僉都御史

林玘

名山歲字廷珍侯官人天順進士浙江按察僉事弘治庚戌景寧賊吳大兒嘯聚剽掠傍及閩

中諸縣勅浙江鎮守等官勦捕以事屬玘玘發諸屬縣兵分據要害以精銳千二百人進臨其穴賊出拒破之獲渠魁餘走慶元從間道竄景寧玘復節制諸巡捕官就取之支黨散匿山谷官屬請乘勝殲之玘曰無能為也恐濫及無辜亟出示令降兩省以安時又有遂昌黃巖賊聚衆至萬人各伏所穴未發聞景寧賊破皆自解散陞雲南按察副使

洪遠

分省人物考字克毅歙縣人成化進士任浙江按察僉事以鈔豪強撫孤嫠為先務兩浙飢分

縣嘉湖做朱文公浙東舊法行之二部獨無
流殍尋轉副使巡海道仕至南京工部尚書

張驚

獻徵錄字應祥咸寧人成化進士弘治中浙江
按察副使巡視海道奉璽書巡視者六年倭寇

遠遁海道肅清巡按御史先
後論薦仕至刑部左侍郎

周季麟

湯武周季麟傳字公瑞寧州人成化進士弘
治初任浙江參政武康盜起馳入山中撫定

之歷右副都御
史巡撫甘肅

謝綬

獻徵錄字朝章朝城人成化進士拜御史按兩
浙值歲大飢官織作紈綺費以鉅萬綬奏請裁

罷從之晉南
太僕少卿

王瓊

嘉靖山西通志字德華太原人成化進士授工
部主事監稅於杭蘆革宿弊歸囊不持一物累

擢副都御史清理浙江鹽法上鹽政便宜事官至吏部尚書謚恭襄

吳原

獻徵錄字道本漳浦人天順進士弘治五年浙

地宣德意詠民隱勸令平糶給米穀三十萬石銀七萬兩蠲累歲逋賦數十萬兩他如修海隄塞銀

冶嚴禁溺女中婚禮舊制援古人政迹著為編刊布諸郡民甚德之

李贊

獻徵錄字惟誠蕪湖人成化進士任浙江布政使浙俗侈靡贊教之敦本實崇儉樸歲飢躬歷

郡邑蠲逋負發倉廩拊問存卹所全活甚多屬劉瑾專橫籍故錢都御史家贊憐其無辜調護之瑾銜之勒令致仕杭之老稚遮道泣留不得至留其一履以志思焉

屈直

韓邦奇屈直傳字道仲華陰人成化進士正德初浙江按察使鞫問糾治一以至公處之菲約

自持門無私謁法無枉
縱仕至漕運都御史

邵寶

嘉靖浙江通志字國賢無錫人成化進士歷陞
浙江按察使尋轉右布政使郡縣官視若嚴師禁

革郡縣解戶秤頭火耗時鎮守中官欲奏開處州
銀礦力言其擾民得不償失止之陞南京禮部尚

書謚
文莊

袁宗儒

獻徵錄字醇夫雄縣人正德進士授御史按
浙江浙俗嫁女費侈或因以貧故多有不舉

女者嚴為之禁仍戒諭使節省人多惑風水之說
有親死除喪而未墓者諭以人死歸藏之意又貧
民不克墓者多畀諸水為置義
塚民咸賴焉仕至戶部左侍郎

林瀚

道南源委字亨大閩縣人成化進士累官南京
吏部尚書改兵部劉瑾擅政出為浙江右叅政

致仕居官潔修為人內柔外溫至方若圓至勇若怯有非意相干者始知其不可犯也贈太子太保

謚文

安

白圻

獻徵錄字輔之為浙江參議時劉瑾柄政有承風旨問處州銀穴者圻曰目前之利小意外之

變大乃以贖金充內帑事得已鄧有少年為日本贅婿已乃隨使入貢鄧人執之以聞日本人大樂圻曰少年者予之無損治體奪之或啟釁端縱之逸長興有田鬻於水凡八十頃而糧固在民甚病之圻為奏免仕至右副都御史

彭澤

嘉靖浙江通志字濟物蘭州衛人弘治進士浙江按察副使純誠直諒持憲嚴明好善嫉惡一

洗脂韋軟媚之習仕至少保兵部尚書

陶琰

湯武陶琰傳字廷信絳州人成化進士弘治中浙江布政正德時江西賊王浩八入衢琰以右

都御史巡視浙江浩八聽撫會寧紹瀕海地颶風大作居民漂沒琰出帑金賑救而大築堤於蕭山

會稽凡五萬餘丈乃奏設兵備道守要害地防浩八黨出沒遣將擊斬其渠魁遂城開化常山遂安

蘭谿境內以靖仕至南

京兵部尚書謚恭介

張縉

舊浙江通志字元素巴縣人正德中按浙江宸濠置心腹畢真為浙鎮守潛圖策應縉知狀佯

示款好練兵儲粟以備不虞濠反鎮守傳令三司期來日四鼓下操衆疑其為變縉定計以是日出

表比禮竟則天已曙謀不得行復與郡守留志淑議先伏兵真府外諸司盡入遂脅真使去諸左右

盡得府中藏甲以屬吏兩浙得安

席書

吾學編字文同遂寧人弘治進士正德八年按察浙江擒治豪右逐貪酷吏釋冤獄泉政一新

陞南京兵部侍郎禮部尚書武英殿大學士謚文襄

周期雍

雷禮周期雍傳字汝和江西寧州人弘治進士正德中浙江參議分守嘉湖諸郡居官恤

民隱雖深山窮壤皆親閱履會溫處礦賊周六等為亂檄期雍征勦期雍先發粟賑貸結民心次行招撫許令自新然後四出遊兵以分其衆直覆其巢遂縛渠魁以功錄廢擢參政仕至刑部尚書

方良永

名山歲字壽卿莆田人弘治進士正德中任浙江左布政時錢寧遣僕鬻鈔於浙索銀三

萬兩鎮守太監謀欲抑取於民良永疏言國家財賦盡出東南浙居其半民財尤當愛惜今浙東西諸郡自冬徂春雨雹為災蠶麥不待哺之民嗷嗷千里錢寧攫取民財有司追價急於星火蚩緣

為奸望急勅巡按御史會同鎮守三司等官將已
斂之價盡給還民未斂之數即行停止寧留疏不
下遣校尉三人來浙緝捕鬻鈔者而
自歸下令散還前價良永遂乞致仕

李承勛

名臣言行畧字立卿嘉魚人弘治進士歷陞
浙江按察使事事持大體凡貪墨吏雖親故

不曲庇或本廉吏而為毀者所中傷
力伸雪之憲紀肅然任至兵部尚書

蔣昇

廣西通志字誠之全州人成化進士正德中浙
江按察使轉右布政鋤奸薙惡不遺餘力蒞政

臨事悉揆之以理少有未安憂緩不敢
苟論者謂其居官真無愧於古人云

王潤

舊浙江通志字敷仁臨潁人正德間按浙鹽課
性鯁介恥以公法徇人時劉瑾要賄賂諸道部

使者率厚餉之潤獨抗然不撓瑾逮治之覲得重
賂或欲為潤稱貸潤曰吾本以耿介忤權豎乃為

生元變屈非吾心也聞者歎其敦直繫久得釋瑾誅起擢副使致仕

黎磐

廣東通志電白人正德舉人任兩浙鹽運司運判時劉瑾索賄諸鹽吏皆謹事之磐獨謂同知

羅欽曰豺獸之性飽之無厭判雖微狹天子吏也豈能覲顏喪氣取貂璫惟耶瑾中以禍後瑾敗起官

劉瑞

四川通志字吉士內江人成化進士正德中浙江按察副使提學較士公明先德行後文藝所

行條約切於身心後仕至南京禮部侍郎

梁材

世法錄字大用南京金吾右衛人弘治進士授德清令刻苦而勤敏一日重囚越獄去材禱於

城隍未幾就擒材詰之曰汝既遁何復為我擒賊曰有一緋衣人尾之欲脫不能耳正德六年知抗

州抗以繁富名材至愈以清約自勵入覲索中無
一長物尋進按察使會宸濠變起濠去浙適倚鎮
守中人畢真為內應御史張縉謀於材曰事急矣
材即就案草檄調兵方畧布置一日悉具人自往
說真令撤兵衛兩浙以安
仕至刑部尚書謚端肅

戴恩

獻徵錄字子充上海人正德進士授工部都水
司主事監浙江抽分事值歲課不登人謂難為

之處恩曰吾寧以是獲戾不能效
培克吏也御史王堯封特為奏免

閻睿

獻徵錄字汝思祁門人弘治進士浙江按察副
使奉勅巡視海道海接東南諸夷倭寇乘時劫

畧勢要開洋覓利睿至水操艦戰
豪右斂迹不敢犯海道為之肅清

劉大謨

獻徵錄字遠夫儀封人正德進士任浙江僉
事首革菜戶於私衙既而分巡金甌時宸濠

構變乃勒兵常山先聲四達兩
浙賴以無恐仕至四川巡撫

高貫

獻徵錄字曾唯江陰人弘治進士正德中浙江按察副使分巡衢嚴署按察司篆數月憲度貞

肅中監某在市舶雅敬重貫比遷鎮守意屬心膂而貫顧疏之於是請託之弊不戒而息舉廉黜貪各得其情

馬卿

獻徵錄字敬臣林慮人弘治進士正德中任浙江按察副使溫處兵備歷進浙江右布政使中

官張志聰吳勛造幣於杭自擅權利又縱行顏色料既不中程而挾金以遁十年不訖工卿檄杭守

查仲道以平價易色料於商他無與也中官奏卿仰道抗命卿謫鶴慶知府後至漕運都御史

何鉞

獻徵錄字勲伯江寧人正德進士為兩浙巡按至則清理冤滯摘發吏姦嚴禁和買鋤治豪強

彈擊貪汙不職者數人
藩臬郡邑罔不敬憚

許讚

嘉靖浙江通志字廷美靈寶人弘治進士歷陞
浙江左布政使不激不隨甚多惠政任吏部尚

書兼文淵閣大
學士謚文簡

留志淑

徐問留志淑墓誌字克全永春人弘治間進
士授溫州府推官歷遷杭州知府諸姦理枉

厚本節浮作士氣均糧役平物直禁和買杭當要
衝王人使客絡繹交道鎮守織舶中官相繼漁獵
志淑一切裁正或寘之法移知徽州杭民老幼攀
留塞道有垂涕者累轉浙江按察使風聲凜如再

轉布
政使

傅鑰

獻徵錄字希準廣寧人正德進士嘉靖初任浙
江按察司巡海副使緣海所設守禦衛所錯列

大島鑰自乘巨艦擐弓矢出入風濤中懋情勞勤其修置戰船收給月糧之法著為條令永可遵行

仕至河南巡撫

李遜學

舊浙江通志字希賢上蔡人成化進士浙江按察僉事提督學政教人寬而有制以敦行

尚實為本人才高下甄別不爽其有奔競者裁抑之士習翕然一變累遷禮部尚書

朱裳

名山藏字公垂沙河人正德進士嘉靖初浙江按察副使轉左布政使吏私書其案曰清如水

難到底裳手續之曰如水清飢殺飽裳妻就館裳敝衣冠執爨收生媪至以為傭也仕至總理河道

謚恭

簡

蔣淦

廣西通志字汝潔全州人正德進士嘉靖三年知嚴州府興利革弊四境靖肅暇則進弟子員

辨析經義親為論定累擢浙江左布政使清操益厲諭子弟曰他日決不敢挾重資以還柳浦故食無兼味衣無重帛位居方伯無異寒素位至工部右侍郎

劉節

獻徵錄字介夫大庾人弘治間進士嘉靖初浙江右布政使轉左戊子賓興疏增解額浙藩出

納最冗親閱文籍盡革吏弊晉山東巡撫官至刑部右侍郎

王尚綱

洛學編字錦夫邲縣人弘治進士任浙江右布政使巡按御史李佶傲褻妄撫論列尚綱

曰御史為朝廷耳目官乃怙勢凌人尚可仕乎遂棄官歸吏部奏李佶論事不實復移檄起尚綱於家仍莅浙居官廉以率屬慈以愛民卒於任

顧璘

世法錄字華玉上元人弘治進士正德中知台州府台州武衛鎔居俗悍而喜訐胥吏並緣為

姦璘求得利樊次第與除之故事武衛諸城郡為
修築費率為主者乾沒恒歲一築築輒壞璘鉤得
所侵漁悉沒入為城費擇人經理故所隸三城特
完郡瀕海貧民業鹽自食苦邇卒窘之璘為弛禁
俾得負販出郡下而薄其稅入往軍餉不時給貧
軍多稱貸璘得肆侵牟璘支放有期軍皆給足
郡南瀕江多水患有中津橋且壞璘修復之因築
石堤而樓其上凡數十楹人莫喻其旨已而夏潦
猝至居民得依樓以避所活以千計始服璘先見
繼起叅藩左轄日益練達若賦發科謫調補吏胥
皆吏蠹蟠結璘批根
絕蔓振剔不少縱

韓邦奇

名臣言行畧字汝節朝邑人正德進士浙江

千人於杭州天竺寺邦奇立散遣之其儀賓記進
貢假道衢州邦奇詰之曰入貢當沿江下奚自假

道歸語爾王韓僉事不可誑也時中官在浙者凡
四人王堂為鎮守晁進督織造崔瑤主市舶張玉
管營造爪牙四出大為民患邦奇疏請禁止又數
裁抑堂且憫中官採富陽茶魚為民害作歌哀之
堂遂奏邦奇沮格上供作歌怨謫逮
下詔獄斥為民嘉靖初起山東參議

王璜

舊浙江通志字廷璜濬縣人正德進士嘉靖中
按浙江嚴厲整肅鎮守奸胥有張南者大為民
害璜首按致其罪大吏不法璜厲聲色窘挫之吏
請悔過乃已由是上下震懾奸貪吏望風引去時

永嘉方柄國家人暴橫璜
以法繩之屬京察奪職去

張鉞

獻徵錄字文輔江西安仁人正德進士授遂昌
令執法平恕獄無冤滯會江西姚源盜蔓入浙
境鉞倡勇敢繕守備邑賴以安嘉靖初知金華府
民苦赤旱鉞請蠲來年田租復弛鹽禁以活民命

屬邑永康義烏俗健訟案牘山積錢推誠察微澆俗頓革遷浙江海道副使時倭寇為患錢嚴令申儆奸民以海船取利乘間為盜入境則倚豪勢為淵藪錢逮治之悉置於法由是盜賊屏跡仕至南京工部侍郎

婁至德

府獻徵錄字存仁通許人正德進士任杭州知府屬邑海寧多海患至德建築石塘以防之

陞浙江布政司參政晉右布政抗歲大祲兩臺下議至德以減餽遺罷宴會為急既出僚吏曰公言兩浙福也復劑量賦役釐為十卷名曰兩浙賦役成規轉福建左布政陞山東巡撫

黨以平

湯斌黨以平傳字守衡禹州人正德進士為浙江溫處兵備副使溫處軍素驕因餉不給

嘯聚為亂以平單騎諭之衆皆首伏懲其魁桀即日解散督府捕海賊五百人欲以為功訊之皆海

中漁者為賊所掠悉縱之曰殺無辜以幸賞吾不為也陞浙江左右布政使

楊最

呂柟楊最傳字殿之號果齋四川射洪人正德進士授工部主事監稅武林正供外錮銖不擾

而糾察如神吏胥股栗代日囊橐蕭然擢郎中出守寧波士民畏愛肖像尸祝調黃州擢憲副晉太僕卿詔欲靜攝以太子監國抗疏切諫上震怒勅廷杖創甚卒無置棺資各助錢殮所著有公餘吟金華老浪語數十卷隆慶二年贈右副都御史謚忠節寧波府志嘉靖四年知府事攜一敝篋一蒼頭至旦暮治蔬菽啣之布衣屢浣冰蘗之操久而益著勤於聽斷案無留牘性剛介不能媚人勢要深嫉之調黃州父老遮道攀留脫其屐以為遺愛見襪盡穿孔皆相向號泣立生祠祀之曰仰德趙吳仰德祠集序為郡時直指按郡不屈直指怒入府檢察但圖書數冊厨下青菜而已直指爽然自

失人呼為楊青菜
在寧嘗奏減商稅

陳儒

分省人物考字懋學吉水人嘉靖進士浙江按察副使巡視寧紹海道首案文武賊吏捕縣丞

藍佐指揮楊淮寔之法軍民惕然浙有衛所屬海外巡視者不至以故多奸儒破浪渡海操閱軍容案其不法者諸衛所憚其威名各自戢改督學以崇經術禁浮靡為已任與諸生約數千言皆以道德實行為先士習翕然時有議建三仁祠者御史許之儒曰中心安仁天下一人三人者豪傑之士未可為仁也御史曰然則易以同仁何如儒曰吾所爭者在仁不在三也其事遂止儒識鑒精明士一經品題輒取高第

第一時稱為得人

汪文盛

湖廣通志字希周崇陽人正德進士嘉靖時浙江提學副使闡明正學飭修書院禁西湖

治遊訂東浙鄉約品薦無
與文行以興任雲南巡撫

吳嶽

湯斌吳嶽傳字汝喬汶上人嘉靖進士浙江布政司參政以鎮靜得民清望冠一時尚書馬森

言平生見廉節士二人嶽與譚太
初耳仕至南京兵部尚書謚介肅

徐階

獻徵錄字子升華亭人浙江按察僉事嘉靖間提督學政以正文體端士習為先既唱第人人

為語所以甲乙之故即見斥者得自鳴
創浙江通志歷建極殿大學士謚文貞

朱紉

獻徵錄字子純長洲人正德進士浙江巡撫撫海島倭寇六百餘人悉受約束襲破雙嶼賊巢

上下連戰皆捷改命巡視處州礦
賊起衢州告急亦平之浙省悉定

王忬

湯斌王忬傳字民應太倉人嘉靖進士倭寇浙直忬提督軍務巡撫浙江才識通敏而寬大善

用人時參將俞大猷湯克寬以材勇閩忬推心委任入奏釋在繫都指揮盧鏜尹鳳等分置諸郡犄角應援倭賊汪直結若普陀乘風憑陵諸郡其黨徐學毛勲徐海彭老等列兵近洋與之呼應忬授策大猷等夜從間道火其巢克寬夾擊之俘馘三百餘焚溺死者無算尹鳳將閩兵邀於表頭北焚諸洋人俘馘三百餘人有蕭顯者尤桀黠屠南沙還逼松江盧鏜掩擊大破之斬其首先後奏捷如採淘港石礮長焦吳淞諸戰俘馘率以千計入擒漳州通倭奸民蘇老等三十餘人誅之其入奏也不自以為功率歸之諸將故人多用命焉

張經

湯斌張經傳字廷璣候官人正德進士除嘉興知縣累陞兵部尚書嘉靖三十四年改右都御

史兼兵部侍郎討倭寇田州瓦氏東蘭諸兵至經以瓦氏兵隸總兵官俞大猷以東蘭那地南丹兵

隸遊擊鄒繼芳以歸順思恩兵隸參將湯克寬分屯金山衛閔港乍浦犄角三面以待永順保靖兵之集侍郎趙文華密疏經畏賊不進詔逮經而永保兵已至其日即有石塘灣之捷倭突嘉興經遣參將盧鏗督保靖兵大猷督永順兵由泖湖趨平望以克寬引舟師由中路擊之合戰於王江涇斬賊首一千九百餘級溺死者甚衆自軍興來稱戰功第一經至京備言進兵始末乞賜原宥不納論死隆慶初復官謚襄愍

胡宗憲

王鴻緒胡宗憲傳字汝徵績溪人嘉靖進士知餘姚縣擢御史三十三年按浙江歙人汪

直據五島煽諸倭入寇徐海陳東麻葉等巢柘林乍浦川沙窪張經破倭於王江涇宗憲與有力趙擢巡撫倭犯浙東以宗憲為兵部右侍郎任總督初宗憲令客蔣洲陳可願諭日本國王遇汪直養

子淑於五島邀使見直宗憲以直同鄉里欲招致之釋直母妻於金華獄資給甚厚直大喜遣子淑歸宗憲厚遇淑令立功淑遂破倭舟山表賜淑等金帛縱之歸淑大喜以徐海入犯來告海引倭分掠慈溪自攻乍浦東葉與俱宗憲壁塘棲與巡撫阮鶚相犄角會海趨皂林鶚走桐鄉賊圍之宗憲遣指揮夏正持淑書邀海降海曰兵三路進不止我一人也正曰陳東已他有約所慮獨公耳海遂疑東而東知海營有宗憲使者大驚由是有隙正乘間說下海海遣使來謝解桐鄉圍東去復巢乍浦初海入犯焚其舟示士卒無還心宗憲使人語海曰若已內附而吳淞江方有賊何不擊之以立功且掠其舸為緩急計海以為然逆擊之朱涇宗憲潛焚其舟海心怖以弟洪來質宗憲因厚遇洪諭海縛東葉海遂縛葉以獻宗憲解其縛令葉以書致東圖海而陰泄其書於海海怒海宴受宗憲

賂亦說海於是海復以計縛東來獻率所部降宗
憲慰諭之海自擇沈莊屯其衆沈莊者東西各一
以河為塹宗憲居海東莊以西莊處東黨令東致
書其黨曰督府懷海夕禽若屬矣東黨懼乘夜攻
海海挾兩妾走間道中稍官軍圍之海投水死遂
俘洪東葉及海首獻京師加宗憲右都御史命兼
浙江巡撫事蔣洲在倭中諭主源義長義鎮入貢
遣夷目善妙等隨汪直來市至岑港泊焉直遣激
詣宗憲宗憲慰諭遣夏正偕往宗憲嘗預為啟直
疏引激入卧内使陰窺之激語直乃入謁宗憲令
至杭下於獄論死以功加太子
太保明年賊悉蕩平加少保

阮鶚

獻徵錄號函峯桐城人嘉靖進士浙江提學副
使得人為盛浙方苦倭寇鶚下令諸生操弓矢

習射作忠義之氣省城戒嚴撫臣檄諸司畫地防
守鶚當守武林門則列營關外令士女分道入遶

至遞開視他守者獨無追迫蹂躪之慘擢右僉都御史巡撫浙江賊攻乍浦追斬之皂林賊奔桐鄉鴛冒重圍入桐鄉賊多方攻擊而鴛隨機應之計窮遁去賊陷仙居鴛募金台諸郡兵分疑設伏凡三戰大破之而賊首徐海黨與衆盛復集舊巢鸛命奇兵四伏正兵突擊賊遂大敗四竄巨魁陳東麻葉辛五郎皆就擒賊奔據沈莊憑險自固鸛曰不滅海尚留根蔓乎檄諸道分兵四圍夜渡濠薄城柵火其巢自寅至酉力戰俘獲甚衆徐海始就滅鸛人謂諸將曰寧波鴈門久為賊據而舟山餘黨尚在奈何安枕耶遂夜驅水陸兵並進大破於蔡奇山獨山大潭山水戰於清港洋邱家洋直抵舟山擒斬殆盡自是兩浙始得休息士民思鸛德相與立祠

唐順之

湯斌唐順之傳字應德武進人嘉靖進士倭犯江浙順之為兵部職方郎中命往浙江視

師與胡宗憲協謀討賊以禦賊上策當截之海外
苟縱使登陸則內地咸受禍乃躬泛海自江陰抵
蛟門大洋一晝夜行六七百里從者咸驚嘔順之
意氣自如倭泊崇明三沙督舟師邀之海外斬馘
一百二十沈其舟十三擢太僕少
卿加右通政擢淮揚巡撫謚襄文

宗禮

分省人物考字周道其先常熟人隸籍於燕中
嘉靖武舉由祖職署指揮僉事任參將奉命禦

倭於浙禮提兵掩擊賊賊於新城堡乘勝攻破新
塢賊遁去總督胡宗憲檄禮隨賊所向追剿之連
有吳江嘉興之勝至崇德縣探倭至皂林勢且犯
抗率兵往皂林迤西石橋止營禦之倭萬餘夾河
來戰禮統兵不滿九百人殺傷甚多賊敗去番休
來攻三戰三北死傷無算軍大振會石橋前鋒中
賊砲橋失守禮被重傷猶裹創奮臂戰以衆寡不
敵兼乏食軍無後救力竭仰天呼曰死當滅賊以

報國遂遇害事聞贈都督同知謚忠壯建褒忠祠於皂林有司以時饗焉

俞大猷

名山藏字志輔世職泉州衛百戶父武舉嘉靖三十一年倭寇浙直都御史王忬以大猷

為浙江左參將時汪直亡命入海為倭嚮導忬議招撫之大猷言招撫之法必大兵壓前賊力不支輸款求降許以自新若有不悛生死在我徒曰招之權乃在賊請用福建樓船破之遂與叅將湯克寬入海擊直敗之大猷議逐倭謂當用樓船入海與戰入倭剗海岸其患小倭入河港其患大浙西川河互錯溝港穿貫難以陸戰莫若先防河港之入一入河港我整搦河船周防戰備撤斷津梁使無所渡徐進逼之待其可戰一鼓乘之更行調海船堅守海港使不得適忬用其計數以樓船破倭而整搦河船之議不行陞南直副總兵張經為總督調楚粵兵使大猷將之大敗賊於王江涇亦用

大猷河船計多所得賊為趙文華所劾奪祖職明年充鎮守浙直總兵連破賊移定海乘雨雪焚舟山寇遁署都督僉事明年進署都督同知海上無警者二年總督胡宗憲使蔣洲陳可願入海說汪直直求貢市副總兵盧鏜請許之大猷倡侯其至擊之之論宗憲不可使鏜迎直海上大猷陳兵誇示倭從直來者盡殲之

官至後軍都督府僉書

戚繼光

名山藏字元敬定遠人任浙江都司僉書義烏人故慄勁繼光言於督撫請練為兵許之

使募三千試之繼光乃為鴛鴦牌陣十有二人隊長前次夾盾次夾枝兵次四人夾矛次夾短兵樵蘇居後其節短其分數明其步伐合地宜其器互相鬪試既習補浙東參將分部台州嘉靖四十年倭大至寧海告急繼光旦之寧海賊聞繼光至悉遁去謂台州城虛逼之繼光聞警促還昧旦引兵

午至台兵行七十里未食守吏謂賊近戒門嚴毋
得入兵爭門而驚繼光後至呵之曰此汝等爭門
時耶賊薄城下滅之乃食鼓行而進遇賊花街一
賊左挾矛右挾刀壯士朱珏持短兵折其矛再折
其刃斬其首賊大潰張翼逐之殺數百人又逐之
瓜陵江圻頭賊復焚舟起趨台繼光簡精銳千五
百人往賊退次大田東堅壁不出會雨甚間道適
仙居繼光縣大道先之圍之數重四面舉火益二
旬有九日九戰斬首七百獲器械三千七百四十
有奇是為戚家新兵所至如破竹以參將入閩進
副總兵累進左
都督加秩少保

盧鏜

湯斌盧鏜傳字子鳴汝寧衛人嘉靖時由世廕
歷官備倭福建遷都指揮擊賊嘉興擢參將分

守浙東濱海諸郡與副將俞大猷大破賊王江涇
旋督保靖土兵擊賊張莊焚其壘賊出沒台州外

海鏜勦擒其酋林碧川等旋擢協守江浙副總兵
賊陷仙居趨台州鏜破之彭溪乃與胡宗憲共謀
滅徐海宗憲招江直鏜亦說日本使善妙令擒直
直與日本貳卒伏誅擢都督僉事為江南浙江總
兵官倭復犯浙東水陸十餘戰斬首千
四百有奇宗憲以蕩平閩鏜增俸賚金

湯克寬

湯斌湯克寬傳邳州衛人世廕歷官都指揮
僉事充浙江參將倭犯溫州克寬擊敗之賊

寇嘉興屬邑克寬至海鹽被圍偕參政潘恩等拒
守賊不能克無何陷乍浦城轉掠奉化定海克寬
進圍於獨山民家火焚之賊半死餘遁命為副總
兵提督海防諸軍浙西參將張深病都御史王忬
薦克寬代之總督張經議搗賊柘林令克寬將廣
西土兵屯乍浦與副將俞大猷相犄角大戰王江
涇斬級三千會趙文華劾經惑克寬言縱
倭遂并逮問赦免歷廣東參將總兵官

周應禎

舊浙江通志中都留守衛人官浙江都司僉書嘉靖甲寅倭寇由澈乍二浦沿海塘據石

墩巡司躡袁化市中丞檄應禎統兵禦之龍鳳兩山間為寇出入孔道遂營焉軍令肅然秋毫無犯有卒伐竹一竿刈其耳以徇謀報賊至靈泉山應禎躍馬趨之遇賊力戰斬數十級賊奔追至放雁山北篠櫺蒙密賊伏敗垣中提石擊應禎中首而仆身被數刃馬傷負歸崇教寺越宿而絕馬亦不食三日而死

劉錦

舊浙江通志溫州衛指揮同知嘉靖間擢浙江總督備倭守定海倭入貢爭長相讐殺焚掠自

寧波直抵紹興錦督舟師追勦與倭戰於霍山援兵不至急戰柵塌陷士卒多墮水賊遂踴躍過舟錦揮刃奮格力竭亦墮水事聞進爵世襲指揮

游居敬

福建通志字行簡南平人嘉靖進士浙江按察司僉事歷按察使左右布政使浙中時患

倭寇調主客兵數萬計庫無羨贏居敬立辦無悞議者欲練土著汰客兵兵當關而譟督撫令居敬前諭之皆解散在任衣粗食糲一席十年漆枕櫬匣尚青衿時物清節為浙省之冠仕至南刑部右

侍郎

趙炳然

史槩字子晦劍州人嘉靖進士拜御史按浙江累擢巡撫浙惟兵燹之後炳然廉以率下

悉更諸政令不便者福建巡撫游震得請浙兵剿賊詔發義烏精兵一萬諭炳然協勦炳然言福建所以致亂者由將吏撫馭無術民變為兵兵變為盜其由來漸矣今人驅浙兵以赴閩急竊懼浙之後為閩也請令一意團練土著使人各為用家自為守急則兵緩則農然後聚散兩有所歸即不得

已而召募亦必先本土後鄰壤庶無釀禍本入條上防海八事俱報可以援勦功進右都御史後為

兵部尚書

謚恭襄

潘恩

獻徵錄字子仁上海人嘉靖進士浙江左參政分守杭嘉湖道方按部海鹽而島寇倖至圍之

數十匝時城無見兵恩鼓舞吏人晝夜睥睨間不少懈賊知不可破乃解累遷浙江左布政使首革賊吏出納之弊數位臺使者禁斥貪墨擢右副都御史巡撫河南

吳桂芳

獻徵錄號白湖新建人嘉靖進士任浙江按察使左右布政使時胡宗憲以兵事泰於財

慮不給桂芳為查理積年隱沒者幾月得十餘萬緡宗憲於座起揖曰公真大材也仕至工部尚書

總督

河道

熊達

浙江志字子浙清江人嘉靖進士浙江布政使

有經明宗憲得罪衆慮客兵為變達大發芻粟犒之反側以定

薛應旂

浙江通志字仲常武進人嘉靖進士累陞浙江提學副使為文鴻博典鑒衡百不失

一或一學無高材即從二等錄名甚有從他邑得佳士移領其案者心無私利恒力欲大綱為之竟中考功法而歸在浙著有嘉靖浙江通志

舒汀

浙江通志字紹安侯官人嘉靖中巡按兩浙秉法懲惡肅吏庇民懸令各市中凡官吏抑取

常例錢并和買者俾民得執以入告即民畏勢隱忍汀恒自知之嘗有一郡倖市彩帛於民一日汀問曰聞昨市帛有之乎倖惶恐對誠有之特平直貿易非敢有侵於民也汀笑曰良然吾偶問及耳

自是羣僚相戒毋多遺糶市物勢
家習為橫恣者一時抑首自戢

謹按福建通志作舒汀舊浙
江通志訛為舒江今改正

張憲臣

獻徵錄字敘伯崑山人浙江右參政分守金
衢嚴三郡嘗平礦寇大將軍用師閩中多倚

義烏人義烏人益驕橫竊相從剽攻不休憲臣錄
其豪以自隨而鎮之躬為訓練成師曰子去盜而
為縣官用抑何貴
也遷雲南按察使

唐堯臣

江西通志字士良南昌人嘉靖舉人授湖州
府通判陞杭州府同知擢浙江按察僉事備

兵台嚴料理軍餉不絕倭至堯臣
以戚繼光兵連破之增俸級一等

劉燾

舊浙江通志天津人嘉靖間倭警起為浙西兵
備道燾精奇門風角之術至郡按圖視險選將

募兵有乍浦王江涇諸捷
著浙西海防稿行於世

王湘

獻徵錄字太清濟寧人嘉靖進士浙江布政司參政分守金衢沅別墅興革為多義烏少年

多去本業應募從軍湘命長吏加意拊安遇有台募應以浮民毋發閭左壬午杭營之變衛兵聞風將謀不軌湘登壇集眾示以軍法士無敢譁遷本省按察使

梁廷振

廣東通志字伯綱南海人嘉靖進士浙江左右布政使遇旱禱雨輒應嘗却木商謝金鉅

萬人服其廉

龐尚鵬

湯武龐尚鵬傳字少南南海人嘉靖進士以御史巡按浙江民苦徭役為舉行一條鞭法

所至搏擊豪強吏民震懼浙民以條鞭故德尚鵬立祠奉祀

林文沛

舊浙江通志字維德長樂人正德進士為工部郎中嘉靖中海溢塘圯勅文沛督修講求

遠計集天關等塘寅出酉入未嘗令有司鎖鑰勞勩忘疲甫暇進諸生講授經義宛如師友去之日

士民攀留不得
爭赴闕上書

潘鎰

舊浙江通志字希平婺源人正德進士嘉靖中董北關商稅政尚寬簡商旅頌戴查解額外餘

課以裨
國用

鄔紳

舊浙江通志字佩之丹徒人嘉靖進士司稅北關清省莅職課銀惟主驗解餘無所需染

方仕

舊浙江通志字克學固始人正德進士嘉靖中兩浙都運使清操卓勵簡於事上而厚於恤民

故於俗寡諧時世宗以節槩勵羣臣命四品以上母得折腰以見上官仕仰遵上旨不為降禮監司

摧抑之仕即時投劾去監司者猶檢束任內所行毫無污穢乃移檄慰留而去已遠矣

江滙

豫章書字東之進賢人嘉靖進士浙江按察使持法峻整有豪民坐殺人行千金求鬻獄拒之

又屬柄相以請不聽竟論死轉河南右布政使

盧蕙

舊浙江通志字子貞山陽人嘉靖進士浙江按察司副使嚴法肅紀不徇情面屬吏有以賄敗

者人多以甲第憐之蕙無所寬貸竟褫其秩仕終副都御史

李攀龍

舊浙江通志字于鱗歷城人嘉靖進士任浙江副使遷參政初莅浙時長興徐中行餉以

芥茶及再晤詢其佳否攀龍曰已賞隸人矣中行為詳數其佳味及烹煎法乃悔曰昔司馬旦以不諧吳俗而罷吳其有俗予安可不諧而違之哉於是體輿情訪耆舊從俗酌宜以決諸事而吳俗大

諸咸稱才吏陞
河南按察使

譚綸

名山歲字子理宜黃人嘉靖進士倭寇東南時
台之仙居黃巖新中寇郡兵幾萬人皆異懦綸

為台州知府簡習精卒千人一捷於北嶺一捷於
楊沙溪以此知名遷浙江副使為巡海使者悉散
諸徵調一意練土著信錄餉備器械厲威信必誅
賞教之三月部士皆爭命死敵浙寇平陞參政轄
海如故仕至兵
部尚書謚襄敏

史朝宜

獻徵錄字直之晉江人嘉靖進士浙江布政
司參政分守浙西三郡罷不急之費止無名

之徵鋤總書飛麗扣隱之蠹掃庶屬
煎銷鉛炭之弊仕至湖廣右布政

王世貞

名山歲字元美太倉人嘉靖進士浙江參政
治吳興三郡吳越新罹兵火供億繁興世貞

請汰內府內官大小監冗食及錦衣諸衛寄籍者
事雖不行竟得改折漕糧十五萬官至刑部尚書

莊用賓

福建通志字君采晉江人嘉靖進士浙江按察司僉事直指行部事有不合必與抗論上

虞丞倚驪使私人貪恣不法亟暴其狀黜之寧波
學宮壞議修建直指以疏動帑金非便用賓曰移
某邑餽某鄉大夫金若干果疏動耶直指變色因
報可隨論劾罷歸後因倭寇逼泉率鄉勇直搗寇

巢戰沒贈

太僕少卿

夏浚

西江志字惟明玉山人嘉靖進士授海鹽令歷
陞溫處兵備副使時浙東海寇猖獗浚授方畧

鸚渚平陽慶元金盤相繼奏捷廣右狼兵
驕悍浚殲其渠魁軍紀震肅擢廣西參政

殷邁

獻徵錄字時訓南京留守衛人嘉靖進士穆宗
時以按察副使視學於浙掄士一先德行諸生

中有以出妻抵誣者獄久滯適暴其枉釋之夫亡而婦從死議者欲旌其節適曰婦節以守死不貳為貴從死非中制也議者避

焉歷陞南京禮部右侍郎

王樵

分省人物考號方麓金壇人嘉靖進士為浙江按察副使以寬簡稱然使人不敢以私干而豪

右重犯法職兼治兵西吳故鹽盜藪樵練士厲兵嚴保伍之法捕治劇賊潘榜等兼得其宿豪名猾

罪遣之仕至南京右都御史謚恭簡

顧問

湖廣通志字子承蘄州人嘉靖進士除壽昌令徵拜御史轉浙江僉事疏食清謹越人有茹菜

顧公之稱嘗與王龍溪錢緒山輩講學於崇正書院隆慶中陞福建參政

黃光昇

道南源委字明舉晉江人嘉靖進士授長興知縣理煩治劇紀綱肅然歷陞浙江僉事遷

參政修築海塘築法盡善至今稱
黃公塘仕至南京刑部尚書謚恭肅

劉繼文

分省人物考靈璧人嘉靖進士參政浙江時
有妖僧惑衆立除其奸考滿空囊如洗與海

忠介
並稱

徐雲程

西江志字允升清江人嘉靖進士浙江按察
副使嘗築麗水隄民賴其利散金衛鹽徒以

持法忤直指
乞歸終養

徐拭

分省人物考字世寅常熟人嘉靖進士為御史
趙文華備倭南中拭劾其罪謫浙江布政司都

事累擢浙江按察司僉事監威繼光兵討賊轉布
政司右參議後以僉都撫浙浙西濱海而海鹽有
塘以捍之歲久蓄其風濤間作衝決數百里拭亢
石鵠工縱橫廣厚一以意裁不決歲而工成濱海

田土皆化沮洳為膏
沃晉南京工部尚書

張佳尹

王鴻緒張佳尹傳字肖甫銅梁人嘉靖進士
萬歷十年浙江巡撫吳善言減月餉東西二

營兵馬文英劉廷用等搆黨大噪縛毆善言上以
佳尹代善言甫入境而抗民以行保甲故亦亂佳

尹問告者曰亂兵與亂民合乎曰未也佳尹喜曰
連驅之既至民剽益甚佳尹從數卒伴問民所苦

衆益張夜掠巨室火光燭天佳尹召遊擊徐景星
諭二營兵令討亂民自贖禽百五十人斬其三之

一乃伴台文英廷用予冠帶而密屬景星捕七人
并文英廷用斬之二亂悉定優詔褒美尋加右都

御史拜戎政
尚書謚襄憲

李宗魯

湖廣通志字學仲漢陽人萬歷進士浙江按
察司無事為政嚴明而民歌思不絕會浙兵

變縛直指宗魯徐諭利害直指得釋心反銜之擬
宗魯失律罪巡撫張佳尹執不可曰前定亂者何

人也調廣
西兵備

楊道會

道南源委字惟宗晉江人隆慶進士令黃巖
息訟緩徵歷遷工部郎中榷木南關政寬而

稅額縮道會如額報不慮縮額商大
悅出知台州府仕至湖廣左布政使

蕭廩

獻徵錄字可發萬安人嘉靖進士以御史按浙
吏贖山積立決如神雪冤獄以百數黜墨吏新

宋源方孝孺諸祠人請祀王守仁於學宮累陞副
都御史巡撫浙江先是浙兵譟轅門羣不逞效尤
為姦大剽城市時議置中軍卒以相防制廩曰卒
吾卒耳吾時餉而法馭之何惡之敢生而藉此紛
紛為遷南京工
部侍郎改兵部

溫純

陝西通志字希文三原人嘉靖進士以兵部右侍郎巡撫浙江改漕折減織造復陂池人情大

悅團操軍聚居會城與居民不相安議者欲出之而畏其悍恐生變純呼而諭之曰爾曹以防汎為家宜移營汎地勿戀此土咸唯唯聽命軍中老弱疾病則勿補遂合九營為七而兵不知汰歷官左都御史謚恭毅

葉夢熊

徽州歙縣人嘉靖進士萬歷間任浙江海道副使周視形勝悉台境內兵益以

海艦令寇至敵於外無俾闌入海波息警會求邊材臺省交薦調承平兵備官至南京工部尚書

蒙詔

廣東通志字廷綸番禺人嘉靖進士萬歷時擢浙江副使巡視海道歷按察使及左布政使奉

宣德意正釐法紀久任兩浙政聲茂著

王基

獻徵錄字啟亨益都人嘉靖進士萬厯中浙江布政使浙賦煩而弊多難理基殫精綜核凡租

稅經費絮為章程擇無害吏主其籍出入纖渺具有可覆無侵蝕者區畫兵食剴汰詞訟日不足繼以丙夜雲流刃解政聲大著陞大同巡撫仕至南京戶部尚書

張文熙

廣西通志字念華臨桂人萬厯進士以御史按浙壬午鄉試主場無考官文熙兼董之得

人為盛居官寬猛並濟撫安兵民浙人服其英決建祠祀焉歷官太僕寺卿

林偕春

獻徵錄字孚元閩縣人嘉靖進士萬厯時任浙江提學副使裁鑒精審請寄無所受每面

發試牘至所屬生輒曰某公嘗為若言然若文劣固宜居此聞者稱服代者晉江蘇濬兩浙言良督學並稱林蘇焉

蔡逢時

江南通志字應期宣城人萬歷進士知海鹽縣築海塘禦潮患歷陞溫處兵備副使圖畫

海防殲倭寇晉四川左布政

馮時可

舊浙江通志字敏卿松江華亭人隆慶進士分守溫處廉明敦大訟簡刑省自放衙之外

庭虛無人尤加意振作士類士民思之

傅好禮

湯斌傳好禮傳字伯恭固安人萬歷進士巡按浙江歲大稔條上荒政多報可行部湖州

用便宜發漕折銀萬兩易粟賑飢民自奏請服擅發罪帝特宥焉進光祿寺少卿

饒景曜

西江志字廷獻進賢人萬歷進士任浙江分巡道有聲改督浙江學政備兵金衢時值殲

賊竊發設方畧擒渠魁撫按上其功陞浙江按察司卒於官囊橐蕭然清操最著

甘士价

舊浙江通志字維藩信豐人萬歷進士巡撫兩浙甫下車首選材官訓標兵裁部差汰冗

役禁宴會省靡費躬行儉約創武林書院於中衛講明正學歲大稔請留漕米數十萬石捐助若干兩議米議粥議遠近分賑入議薦紳素封自賑其鄉悉自擘畫巡行郡縣而形神勞悴遂以是得疾卧園中時當遣汛猶力疾出廳事戒諭之卒時篋篋無存斂以漵衣士民號慟之聲連街達陌聞於朝立祠歲祭

車大任

舊浙江通志字子仁邵陽人萬歷進士知嘉興府陞浙江按察副使進右參政分守溫處

慈祥博太平易近人撫士民悉出真誠待僚屬亦寬嚴得宜

李國士

獻徵錄字汝志亳州人萬歷進士任浙江按察僉事台州大旱國士禱於闕忠義侯祠雨

隨澍上虞令蔡叔達為鄉官金某所持鞠問時金謂令與國士為同鄉以語侵國士國士抗聲曰吾為朝廷治亂民不知有鄉官也金伏罪大學士潘晟子復泰幼悍僕與內戚構擯於外國士置構禍者於理而入其子潘得有後歷山西左布政使

郭子章

舊浙江通志字相奎泰和人萬歷進士為湖州知府陞浙江左參政督理漕儲嘗題名於

石曰孔子云苛政猛於虎螭游於濁而食於清諸君子交相淬礪寧為螭母為虎也

鮑道明

獻徵錄字行之歙人嘉靖進士任浙江按察使浙地當輻湊之衝鄉人往來部中趾相錯

權豪多闕說不避功令道明戒聞者毋入鄉人謁母入闕說者書即權豪面謁欲有言曾未得啟齒人發臨安故給事中高時奸狀械送京師仕至南京戶部尚書

張淳

黃燦張淳行畧字希古桐城人隆慶進士任永康令永邑俗刁胥猾遇告期常蜂塞公庭淳裁

決如流標告者名於後堂署其曲直有瀆告者輒以前事答之民駭服設小釜數十於門外凡告者限日如期至片晷分析即以粟糴藝釜中飽食而去民呼張一色謂裹糴一色可畢訟也永人生女多不舉淳厲為禁貧不振者捐俸量給全活億萬永俗女婢終身不夫著令報匿者賞罪其主有劇盜能飛行白晝攫金省庫撫按集兵圍之須臾遁去十餘年不獲淳甫蒞任謁院院曰為我捕盜應曰乞限以三月復請催檄月數十至可必得也至縣適催檄至佯曰此盜遁久矣寢閣不行屢催如前訪知盜遁某吏婦密繫吏獄夜召吏謂曰院知某盜遁而婦今來拘爾夫婦死矣吏泣請命淳曰惟捕某盜可易爾死吏曰彼狡捷多變幻更安能捕曰汝可以妻代繫盜聞汝妻繫必來救汝醉以

酒可擒也吏如命盜果至乘醉受縛報院僅兩月耳院問故曰盜急則驅之遠出屢催不應者緩之也府囚朱大有已論決淳知其非辜極力洗刷乃得允大有謝無以報淳曰汝滯囹圄久凡有冤抑以實告我乃所以報也授紙筆搜府獄數十人條其實淳按條具辨盡得肆宥遇告人命無朝暮必乘騎按驗按誣坐之自後無偽訟者縣因旱民艱食搶奪公行有搶米五斗者立杖殺之一邑恬然或詢曰何以五斗米殺人曰固生也所殺者死因耳一富室以女妻諸生生蓋先富而後貧者富室中悔互相執訟淳謂富者曰欲別字而女當以三百金酬生富者欣然從之命鼓吹導貧士至富室促令婚笑謂曰汝憂婿貧得三百金可不貧矣有一巨室死兩子以爭產結訟淳擇諸生最篤行者講毛詩之棠棣篇閱七日兩子皆慚愧退讓淳嘗為座右箴曰為宰而教化不行雖事功高千古終

俗吏也以故治永必先教化而後刑名以治行第一入覲止一役一僕自隨絕交際杜苞苴因忤宰執意僅授禮甯請假家居七年起建寧太守簡大不事苛屑撫按交薦授抗嚴道浙東先有募兵虛糜糗糧欲汰之軍中偶語將為亂撫按以為患淳曰是憍悍者留則有用散則叵測不若通一軍而去其老弱者如募數則食足而兵強亦不至亂矣撫按是其議事遂定陞陝西臨洮參政以病請歸疏薦凡十四次堅辭不起

郝杰

獻徵錄字彥甫蔚州人嘉靖進士浙江按察使浙營兵以減餉譟羣擁巡撫於軍中杰疾馳而

諭以利害悍卒斂戢抗民以大甲偏累控巡按不得伸構惡少夜縱火燔掠杰勒營卒捕為亂者收繫獄衆乃帖然仕至南京兵部尚書

荆之琦

舊浙江通志字鴻玉丹陽人萬歷進士以戶部主事權杭州北關甫下車進官吏巡胥與

約法犯者立譴責之時吳中大雨又兼徵兵索餉商旅不進或虞其課缺勸加額之琦守初約如故已而賈舟大集復以羨報關南北河壩可十里而遙皆傾圯不治乃鳩工焚石行旅稱康衢焉

劉一焜

浙江志字元丙萬歷進士以僉都御史巡撫浙江織造中官劉成卒一焜慮代屢疏止之

已得請會中官呂貴奉命護成遺裝奸人請留貴督織造疏直達禁中一焜與巡按李邦華極論其罪帝卒命貴代之一焜復疏爭不報貴既任條行十事多所侵擾一焜疏駁且禁治其爪牙貴為斂威一焜以暇築龍山海塘千二百丈濬復餘杭南湖民賴其利

李邦華

李忠肅公家傳字孟闇吉水人萬歷進士巡按浙江兩浙地繁政劇邦華採訪利病分

六曹為六書某利當舉某害當革條分件繫每按部舉而指之直指供億有贓罰公費二項賦罰坐派郡邑公費取盈協濟邦華歎曰繡衣使者表率百城可以身為縣壑乎亟下檄蠲除屬吏凜然歲當慮囚積案填委夜闌炳燭矜疑閱實運筆如風平反者百餘條法吏莫敢出入一字廷獻之日獄囚盈庭舊使者省覽累日為手版以記事邦華攜冊坐輿中流觀閭記數百人以次決遣姓名訟牒不遺毫髮吏民驚以為神仕至左都御史甲申殉節

國朝賜謚

忠肅

蘇濬

舊浙江通志字君禹晉江人萬歷進士浙江提學校士率單車入館中不傍倩於人每卷必閱

竟或重閱然後定甲乙所得皆雋材浙榜發七十餘人皆其前茅士也仕至貴州按察使

葉永盛

舊浙江通志字子木涇縣人萬歷進士為御史按視兩浙鹽務先是三殿災度支告匱謀

利者紛言浙餘鹽山積可得餉三十萬中貴倚勢要脅永盛力持之疏五上減至三萬且疏言者罔上罪神宗察其直諫能卹商愛民報可人心獲安人山陝新安諸商子弟以外籍不得入試永盛惜其才為請於朝得立商籍取入學商人德之

傅宗龍

舊浙江通志字仲綸昆明人萬歷進士為御史按浙風節自持潔清不染猾胥率皆斂手

鎮撫李某其父中後母言屢撻之一日鎮撫醉辨其誣父訴於官坐以罪每遇考核必解衣受笞十有餘年值宗龍按杭州康得其情愍之乃注平考

張惟任

陝西通志字希聲潼關人萬歷舉人以御史巡鹽兩浙時鹽法弊滋惟任條議力塞弊竇

并劾墨吏之姦鹽政者又錄方正學後人以勵風節仕至大理寺卿

楊鶴

舊浙江通志字修齡武陵人萬厯進士以御史按兩浙鹽政鹽法積弊邊商寓浙中至有十餘

年不及支者鶴為詢訪岩度通前酌後數月而商稍蘇至期年商乃大蘇

劉伸

舊浙江通志字叔達廣昌人萬厯進士以工部郎出督抽分時適淫潦漂木沈商擁輿而泣伸

與羣商約法所以甦商困者八事往解部餘銀改屬織造府而更其名曰料銀又以大工加稅三千有奇甲寅赦書云三分減一伸力爭餘銀宜解部不宜飽中涓加稅宜盡蠲不宜量減一其辭危厲而司農格不行然商民感其德鑄石誦之

方大鎮

舊浙江通志字君靜桐城人萬厯進士浙江巡鹽御史公廉惠愛卓有樹立疏陳時政切

中其弊釀法自常股存積改為餘鹽商竈交困大鎮一意寬恤四季掣放以疏商引餘鹽充課而鹽價不貴均分塗田以息民爭寬私鹽之禁止小粟之行商通國裕饌政大理吳越白糧大為民累具疏乞比漕艘例一切裁革又以水災請改折白糧十萬石有奇

蘇茂相

舊浙江通志字弘家晉江人萬歷進士巡撫浙江時准山東巡撫王化貞議調浙兵一萬

給餉二十餘萬又以歲造改歸中貴李實計費六十餘萬茂相以兵當連濟歲造給邊不可缺而可緩分為二十四運仍請歸有司甚便人請蠲仁錢各縣災籍稅停調水兵防海節大婚冗費皆人所不敢言者先是寧波溫台間噪劫屢聞茂相密授方畧以次就擒邵縣始安

周延光

舊浙江通志字斗垣蘄水人萬歷進士知金華府政靜民和晉副使提督浙學遷本省左

布政凡收筦關支皆躬自閱視主
藏吏抱牘記出納而已宿弊一清

竇子偁

舊浙江通志字淮南合肥人萬曆進士浙江按察使清貞剛斷斥絕請託一時奸橫斂跡

進右布政使一日曉關門有數夫舁巨桶寘於私署子偁詰問對曰此乃羨餘也解京餉畢例宜分送耳其實左藩慙其過清為稍給官廚計子偁勃然曰朝廷正苦餉不足安得有所為羨餘哉據乃欲汚吾地耶連舁去毋以身試法舁夫肩桶出命取水滌之

杜喬林

江南通志字君遷華亭人萬曆進士知湖州府地多盜與鄰郡合力擒之陞按察副使遷

浙江右參政分巡溫處海寇劉香老入犯圍府城喬林召募勇士晝夜捍禦三戰皆捷

袁萃

蘇州府志字聖起吳縣人萬曆進士浙江提學僉事織造中官僕曾祖曾為州佐求入鄉賢萃

諭守令盡黜舉者巡撫牒數十人寄學立卻還之僕人子黃緣入學革怒核所部十一郡盡斥僕人子

濫入學者二百餘

人歷廣東副使

貢修齡

江南通志字國祺江陰人萬歷進士知東陽縣革羨耗蠲贖錢撫流亡杜請謁積弊一清

薦卓異累陞浙江參政董浙漕陋規鐫削至盡以介直忤漕督歸後起江西參政

蕭基

舊浙江通志字泰和人以諫垣論事出為巡海道副使崇禎初閩盜叛黨周三攻昌國石浦甯溪

諸處基親督兵以火器焚其舟三十餘艘復會台師夜襲破之賊遂遠遁

侯峒曾

嘉定志字豫瞻嘉定人天啟進士任浙江布政司左參政分守嘉湖道政務繁劇不資幕

客治官書達旦不寐嚴行保甲匪類潛踪定漕卒之亂軍民畏服以卓異徵為順天府丞

華敦復

舊浙江通志字雍明無錫人天啟間分守溫處簡約自持杜絕饋遺屬吏不敢以片楮入

門愛民禮士一出至誠會歲大旱步禱烈日之下不張蓋擁扇由處郡至麗陽神祠幾十里晨夕無

倦卒得甘雨如注擢總憲

陸完學

江南通志字鳳台武進人萬歷進士任杭嚴兵備道副使歲飢米價騰踴或議減價完學

獨謂吾正欲昂價以來之杭不產米悉資外輓若減價則商裹足矣越數日商舟踵至價果平歷陞浙江巡撫先是濱海颶風大作堤岸如徙完學修築海塘浙民得免海患任至兵部尚書

黃鳴俊

福建通志字啟甸莆田人萬歷進士知諸暨縣調繁會稽歷陞浙江提學參議取文不拘

一體高奇平淡率歸大雅改抗嚴兵備越擢都御史巡撫浙江甫三月值甲申之難鳴俊慷慨誓師

將出討闖賊閩江南
馬士英用事解綬歸

吳阿衡

河南通志裕州人萬歷進士巡按浙江精強
堅密通曉吏事大振紀綱貪吏屏跡歷兵部

侍郎薊

遠總督

陸朗

江南通志字闇先上元人崇禎進士戶科
給事中巡兩浙漕糧剔弊釐奸吏民畏服

祝徽

舊浙江通志字文榮臨川人天啟進士崇禎間
巡浙江釐務以恤竈為先而次及恤商故商竈

皆悅時小票例止肩販積次船載並有禁而奸民
數犯屢引竈戶控於徽徽立湔白之治妄引者勒

石為厲禁竈

民始克安業

蕭奕輔

廣東通志字翼猷東莞人天啟進士以御史
按浙會海寇嘯聚乃偃戈船置勁兵台寧資

以保障遇旱禱雨輒
隨車澍晉太僕少卿

蔡懋德

毛奇齡蔡忠襄傳字維立崑山人萬厯進士除杭州推官立獄盜讞命清獄法刑平臺使

者以為能頒所條定兵事關政鹽法驛傳鑄錢救
荒諸大政行取擢嘉湖兵備進布政司右參政兼
按察副使屠阿尹者湖盜也踞湖有年御史謝某
疏請設隘浙直界地增參戎置兵而合浙直諸廂
軍勦之懋德曰賊可縛致必黷兵擾民何耶密捕
窩盜家賞其死散歸湖濱約曰有捕至湖者第舍
之假捕卒為估賣兒先後踵至屆期而炸生尹義
兒沈千斤者有驍名捕分趨賊營沈左右救力敗
遠趨沈沈大創尹奪氣遁陷水澤中追者生擒之
盜平無何以艱歸民留之哭曰還我蔡公復仕至
山西巡撫殉
節謚忠襄

袁一鳳

西江志字鳴歧宜春人萬歷進士浙江按察副使時海塘崩潰一鳳身任其役工成歷湖

廣布政使

宋繼登

舊浙江通志字先之萊陽人天啟進士崇禎中任嘉湖道參政時旱飢斗米千錢貧民棄

子女於路者日千計繼登檄郡縣設法賑糶民始安戢

盧若騰

舊浙江通志字牧洲同安人崇禎進士授寧波海道僉事別奸弊抑勢豪風裁凜凜值朔

乘龍盜起若騰從容指顧旬日之間閭井晏然郡民賴之

傅雲龍

西江志字蒸甫金谿人崇禎進士授浙江按察副使備兵台紹計擒海寇竺武貝學杜等

東陽許都倡亂於金華雲龍簡勁卒倍道進以除夕抵城下敗之轉漳南參政

堵引錫常州府志字仲緘無錫人崇禎進士以主事司稅北關政尚寬簡徵課惟主驗解額足任

船篋往來
一無所問

許豸

福建通志字玉史侯官人崇禎進士浙江無事分巡寧紹增築郡城殲海寇陳奇老等改督學

政釐正文體得人為盛時有權瑞鎮浙
勇抗不為禮士有儒服郊迎者立捷之

田有年

江南通志字孫若宿松人崇禎進士浙江驛傳副使署臬篆疏郵煩理冤獄暇召生童課

藝刻大觀集得人甚
多入觀乞終養歸

吳克孝

舊浙江通志太倉人崇禎中分巡嘉湖境內盜賊羣起克孝練技勇廣詢伺厚賞格首捕

青腰黨魁黃文姚二等又刳鞘積盜葉六聚眾實
繁有張三者負駭勇皆次第就擒梟於市餘黨數

千悉焚籍不問遠近獲寧

左光先

舊浙江通志桐城人崇禎間按浙舉賢懲貪不畏權勢適許都倡亂據蘭溪東陽義烏武

義浦江時撫軍直指皆虛席光先命蔣若來賈鴻陽等共擊之連收四邑都退保紫微山紹興司理

陳子龍單騎說其降光先曰三城未破可受都降今窮蹙將就擒奈何欲受降以寬其罪哉執戮之

謹按舊通志明名宦總部共一百六十一人重加考訂徐大興楊璟當入杭州喻良當入嘉興趙興貴

當入湖州楊元果當入金華夏裡當入衢州郭彥仁當入嚴州馬俊當入溫州賴恩百戶未詳何府

劉宜正裴璉胡有恒李叔元鄒希賢衛承芳政績無考潘原明張士誠舊將蔡從剛逸而洪承疇梁

雲構皆

國朝

大臣不應入明代人於史傳文集及各省通志諸

書廣為採輯合舊志所載共得二百
八十有六人其或有未盡者尚俟續載

浙江通志卷一百四十八

欽定四庫全書

浙江通志卷一百四十九

名宦

四

總轄

國朝

張存仁

舊浙江通志號完真鑲藍旗人順治二年隨大軍定浙江授巡撫擢總督先是鎮江敗卒

竄走

浙濱南屏白塢居民多被刦掠城中率走避村落存仁至傳集薦紳士民撫諭安定之方國安

據險立柵

江中存仁與戰於五雲山白塢嶺累勝之乘勢逐北國安東走明年三月存仁集勝艘於

江中肄習水戰六月從七條沙渡江江東遂定後兼轄福建調直隸山東河南總督贈太子太保諡

勤忠

李際期

舊浙江通志字庚生河南孟津人進士順治二年任浙江叅議督理學政時值鼎新際期

立意振興學校培養人材論文以理脈清真爲主屏去一切靡縟故所貢拔皆一時名流士風丕振

擢叅政備兵寧台釐奸剔弊振紀肅綱勵精案牘訟無冤抑歷陞兵部尚書謚僖平

王顯

兩浙鹽法志字純伯直隸曲周人前丁丑進士順治二年任兩浙巡鹽御史時

國朝立法創始顯首請禁私販以通商定經制以起課特旨允行又疏陳鹽政要務在招商恤竈二事前朝已

掣鹽酌分散各府州縣概以私鹽繩之則商本虧而不來槩以引鹽寬之則國課缺而非非法惟見鹽

計引按引徵稅既不虧商又不缺課而商可漸次招徠竈戶水鄉草蕩或被勢豪侵佔或苦課稅重疊逐一清查蠲減而竈可次第復業申明掣驗之規分別銳毀之法規制井然具有條理皆見施行

佟國器

名宦畱祀冊奉天人順治二年任嘉湖兵備道禾郡西連太湖東亘三泖荏苒多匿奸國

器悉心巡察勦禦擒擒偽長興伯吳日生偽都察院朱天定招撫白腰黨陸汧等合勦陳萬良等巨寇悉平再任浙江按察使時浙東初定叛獄繁多平情讞鞫釋枉矜疑全活無算後陞江西巡撫復調任浙江熟悉瀕海情形抵任即招降偽都督廖明旗勦滅海逆阮六等海疆寧謐浙民賴之

蕭起元

杭州府志字復初遼東錦州人順治三年由常州知府陞僉都御史巡撫浙江時江南初

定起元一意撫綏與民休息而嘉湖薦紳家僕或借通海一事挾制其主控告逮繫者甚衆起元知

其誣多寘之重刑保全善類人心獲安八旗官兵鎮守省城軍民雜處

詔禮工二部擇建駐防營起元定於城西一隅築城以居由是旗民判不相擾

張杰

舊浙江通志字前川遼東人順治三年浙東初定以總兵鎮守定海時海寇盤踞舟山與內地

山賊相煽杰勦撫並行復會勦舟山克之移鎮黃巖率溫州水師出海從寧海大將軍恢復舟山有

功調防京口康熙元年爲浙江水師提督加太子少保

朱思義

舊浙江通志遼東義州人順治五年任巡海道僉事時浙東初定武弁縱恣思義嚴飭士

卒痛懲告訐之風民得安堵思義形狀短小風裁卓立毅然以鋤強扶弱爲已任後病卒人皆惜之

杜果

杭州府志字登聖江西新建人順治進士八年巡按兩浙時浙東雖平而吏胥貪黷之風未絕

果入境先去其太甚者嘗謂人曰古者以法治吏教而後誅朝為豺狼夕遷改焉則為麟鷺可也其行事剛正而不暴如此

熊維傑

杭州府志號奇宇遼東鐵嶺人順治八年為浙江按察使為政簡而周剛方而不劇杭城

兵民雜處常多訐訟望見旌節謹呼曰熊公來事當白矣維傑平情斷決俾兵民兩服而去省城近大江凡貨物乘潮而下艤舟即須腳力肩負遲則為洪濤所撼肩負者故遲應以索高值維傑繩以法出示嚴禁奸遂息

張儒秀

杭州府志號英窠遼東人順治九年任浙江左布政使公明威斷其尤著者則有開銷軍

國朝儲移解馬價二事軍儲者明季徵以給軍者也
裁軍為民田皆隸於有司部咨按籍全督儒秀力

請具陳析官用民欠軍費名目而軍儲之賠累一
清馬價者舊例驛遞差使南馬協濟歲徵幾數十
萬中飽難稽儒秀請於督撫曰馬價多寡莫定由
各省支給遂那移影射耳莫若解部部定其值凡
諸省馬價在本處地丁錢糧內開支由是積弊始
豁時患私鑄盛行儒秀以為錢本輕則私鑄多官
錢壅乃請重其制又西湖兩堤各挿水簾以漁利
或巧借官佃以爲名儒秀盡去其水簾杖懲之始
相戒不敢犯僅數
月遷去杭民思之

張元璘

舊浙江通志遼東遼陽人進士順治十年任
金衢道衙爲八閩孔道海氛未靖檄在衢養

馬前驅已至元璘單騎詣軍前備陳
地方艱苦狀得移養省城衙民安堵

李率泰

杭州府志字壽疇遼東人順治十一年以兵
部侍郎總督浙閩駐節衢州有方畧善用兵

士卒營壘未成不先就舍甘苦與同故偏裨已下
多畏愛之時山陬海澨尚餘寇孽聞率秦智勇皆
歛子戰投冶鑄中或鑄爲鐔耜父老咸慶太平
矣後專督福建累官少保兼兵部尚書諡忠襄

杜洩

王士禎杜洩傳字子濂山東濱州人順治進士
十三年任分守溫處道叅議處在萬山之中俗

僻陋而溺女淹喪錮婢三事尤爲民病洩朔望集
士民反復開諭喪葬婚嫁之禮一從儉約女婢滿
二十歲責其擇配俗爲之變遷副使備兵通薊康
熙四年復補巡視寧紹海道時初改文武相見禮
往往相抗不下洩至即交歡大帥兵民
帖帖亡詬諍者官至河南驛傳鹽法道

李兆乾

舊浙江通志陝西階州人順治十四年以叅
政分守杭嘉湖道太湖連接蘇常素稱盜藪

官兵捕則遁去退則剽掠居民兆乾設立水棚簡
練兵卒隄防要害躬率屬員設伏搜捕盜賊駭散

三郡以安湖民健訟兆乾身行教化裁抑豪強摘伏奸僞諸不直者皆屏息歛跡焉

趙國祚

名宦留祀冊遼東人順治初任浙江固山額鎮劄溫州時海氛未靖國祚預備戰艘乘

風破浪搗其巢穴賊皆披靡驚遁民始得安十五年任浙江總督兼節制江西廣信一府凡鹽筴兵政民隱賊情及地方阨塞無不悉心完畫值米價騰貴發帑平糶并移檄鄰省無得遏糶士民德之

李嵩陽

處州府志河南封邱人舉人順治十五年任分守溫處道嚴毅率下屬吏凜若神明民瘼

尤加體恤甫下車會閭寇猖獗援兵蜂屯本郡嵩陽每日單騎詣營調劑有方民賴安輯己亥夏旱結壇內署額天祈禱甘霖大沛歲藉有秋又嘗改增雉堞暨立砲臺綢繆防禦厥功多焉

袁一相

杭州府志字輔宸遼東人順治十七年任浙江左布政使州縣吏與司掾睚凡起運錢糧

解多投少而印批不以時發迨發覺州縣並罹叅
罰一相倡爲循環法每遇起解連前數彙書於批
令一覽瞭然而侵蝕之弊遂絕南米歲入廣豐諸
倉而厥少不足貯常露積以竹葦覆之多紅腐不
可食一相捐俸創建六十餘所司掾請勒其事
於石一相曰此藩臣職耳不足錄也後卒於官

張膽

公舉事實徐州人順治二年以副將劄付隨征
任浙江督標中軍副將討平朱橋范村地方寇

逆會勦江東方馬叛兵而叛兵復渡江肆虐膽於
五雲山奮勇克捷斬賊衆首級三千餘顆生擒僞
副叅遊守等官丁五百六十人殲厥渠魁安撫餘
黨地方寧謐浙江總督張存仁叙功特薦七年調
河南督標中軍致仕以長
子道祥貴晉階光祿大夫

趙廷臣

杭州府志字君鄰遼東人康熙元年以兵部
右侍郎總督浙江寬和端靜不爲赫赫名而

人自率眼開度支不足廷臣以二十四監久停疏
請鼓鑄得報許諸監復鑄泉源貫輸不絕時海濱
尚多餘孽聞廷臣寬大解甲來歸七年抵閩甫數
月偕大臣巡海從福寧入寧波卒於途累加太子
少保兵部尚書諡清獻

朱昌祚

杭州府志字雲門滿洲籍山東高唐人順治

十八年以工部侍郎巡撫浙江清廉沉毅爲
政務持大體時浙中寇盜未息設方畧平之且導
以歸順之利黨羽解散適裁撤巡方重案悉歸巡
撫牽連逮繫者數千人昌祚數月間完結矜全省
釋不可勝計溫台等郡無徵銀糧疏請蠲豁積困
爲之一蕪值閩海交訌沿海居民內徙昌祚發帑
給田以贍之大將軍督師征海昌祚捐資厚犒諸
將大申軍令所至秋毫無犯并嚴飭有司不得因
軍興之際苛征於民陞直隸山東河南三省總督

兵部尚書
謚勤愍

梁鳳鳴

名宦畱祀冊遼東人康熙元年任浙江糧儲
道漕項本折錢糧積逋甚多力請具題蠲免

以蕪民困僉點運弁不徇情面糧艘得依限抵通至徵收漕米禁苛取絕餽遺官民德之

顧如華

兩浙鹽法志字西嶽湖廣漢川人順治進士
康熙二年以御史巡鹽兩浙時商竈交困疲

商賈債納課如華行已潔清一切舊例陋規皆釐革馬及代囊索蕭然左右或憂之如華曰麈尾線香古人所戒況朝多廉明君子豈以饒遺有無爲厚薄哉入都果以稱職開轉溫處副使

范承謨

杭州府志字觀公奉天遼陽州人順治壬辰進士康熙八年由翰林愿遷都察院副都御

史巡撫浙江清廉寡欲人不敢干以私衢台處三
府多山田沙礫薄收積荒者十餘萬畝其初荒戶

賠荒戶逃則派鄰族漸及同區田戶力不勝相率
逸去州縣每受叅罰承謨奏蠲之白糧最爲嘉湖
重役而銀米數皆叅錯承謨悉心籌畫條議減免
杭嘉諸郡三載游饑民幾聚萑苻爲盜承謨借庫
銀遣官出糴平價散市最貧者得附老小例肩鹽
給朝夕駐防逃人牽連誣害承謨疏請分別新舊
另定處分民始安堵遷福建總督士民號泣擁車
不得行乃乘深夜單騎啓關以去至閩會耿精忠
謀逆未發承謨欲出海嶠簡鎮兵以運制之未及
行逆請議事至則露刃脅降承謨罵不屈拘之幽
室械繫二年後

王師破仙霞逆計窮欲殺之以滅口承謨從容就義一
時同死者自幕友嵇永仁等下及隸卒凡五十三
人事

聞贈太子少保兵部尚書謚忠貞子時
崇浙閩總督陞都察院左都御史

塞白理

杭州府志奉天鐵嶺人康熙八年以都督同知提督浙江全省軍務駐札寧波紀律嚴明

與士卒同甘苦文武協和愛養百姓寧郡邇海賊朱飛熊等結連鄭錦盤踞爲患塞白理勦撫兼施十三年吳逆反於滇耿逆反於閩浙中盜賊四起塞白理列三桂逆狀移檄各省鼓勵官兵以期滅此朝食身與總督李之芳密籌方略調兵四援之芳督軍衢州塞白理督軍台州勦除逆氛招撫流亡浙賴以安十四年以勤勞卒於任兵民立祠於寧波府城內

胡尚衡

舊浙江通志字階平江南涇縣人順治進士康熙十年視學浙江按臨諸郡輒進諸生詔

之曰今之習舉業者剝耳傭目更不理會修身行已是何事徵倖弋獲即廢棄書卷一切理學淵源朝家典制漫不省究非國家之所望於通儒也其所取士務以通經學古爲尚一時稱月旦評焉

劉昌臣

舊浙江通志字公弼湖廣武陵人順治進士康熙十一年任浙江糧儲道除革一切輸運

旗丁奸弊耿逆叛閩大兵駐衛進剿昌臣署藩篆夙夜措畫轉餉不絕復署臬司不猛不寬讞獄務得其情以勞瘁卒官士民巷哭

李之芳

舊浙江通志字鄴園山東武定州人順治丁亥進士任金華推官浙省向苦解茶蠟之芳

請兌折色又輯賦役全書縷晰條分瞭如指掌迄今奉爲準則十五年以巡鹽御史蒞浙洞悉鹽政利弊凡不便於商竈者悉除之康熙十二年出督浙閩閩逆據險仙霞逆黨分踞衛溫台處等州縣之芳遣將分禦移鎮三衛親冒矢石出奇應變尋逆勢獨獗衆議棄衛退守獨之芳堅持不可日夜勵戰守之策不數年逆窮授首大兵長驅入閩東南半壁得安衽席張玉書李文襄墓誌康熙十二

年以兵部侍郎總督浙江十三年三月閩逆告變之芳檄諸路將士分守要害遣副將王廷梅等力堵仙霞關五月自杭趨衢州七月賊軍數萬攻衢之芳進擊於坑西礮聲震地流矢如雨左右請少避之芳曰今日以兵勝敗爲吾死生可稍怯耶諸將鼓勇直入賊遂却顧賊黨猶熾溫處金嚴各屬煽亂之芳以計招降僞將韓斌王得功生擒賊首汪磐繆國英等十五年夏之芳建議直搗仙霞關言進取之路不在溫處而在三衢今賊勁卒屯衛此賊一破則諸賊駭亂迸散雖僞將馬九玉等抗拒河西大溪灘而江山常山間有間道可襲我軍進擊使賊首尾受敵河西安能獨完八月進軍克大溪灘復江山縣九玉冀統道奪仙霞關而諸軍受之芳檄急據關口夾擊賊將金應虎等迎降大兵遂入閩踰年浙東底定捷聞進兵部尚書之芳念賊平之後當急行蠲恤疏請豁金衢嚴溫處五

郡十六年以前額賦貧民陷賊來歸者悉爲區畫
永廩又設廩於通衢賑往來饑民一百二十二萬
有奇流移者盡復故土論功授拖沙喇哈番二十
一年秋還杭州入爲兵部尚書三十三年進文華
殿大學士兼吏部
尚書卒謚文襄

田逢吉

名宦留祀冊山西人順治乙未進士巡撫浙
江當三藩變逆軍興旁午籌餉調兵勤合機

宜訓練將士嚴行保甲荏苒符絕跡計典黜陟賢否
悉愜輿情潔已自矢凡耗羨餽獻盡皆屏絕暇則
與諸生講學論文多所造就

李月桂

兩浙鹽法志字含馨遼東人康熙十二年任
兩浙都轉運鹽使時鹽法阻滯正引不行衆

皆咎肩引欲更之而不知釐正之法蓋浙鹽有二
大弊一在山窩一在水口秤手紹興路通金華衢

處而山窩多在諸暨若無窩則三府路絕而弊清
嘉湖以東皆澤國凡水口有秤手預期以待奸販
一至即爲分市月桂盡知其弊
嚴諭胥捕而陰察之二弊遂革

陳丹赤

福建通志字獻之侯官人順治舉人分巡溫
處道攝臬司篆入覲歸適平陽叛弁司定猷

勾耿精忠兵逼瑞安縣丹赤獨居城上泣諭父老
誓共此城存亡時鎮弁祖弘勲擁兵郡城大觀亭
志在叛降邀丹赤議事弘勲厲聲曰兵餉俱無何
以出戰丹赤曰提兵前鋒已集計有半萬何謂無
兵糧可給至六月何謂無餉封疆之臣守死封疆
不知其他也弘勲知不可回目左右執斧者劈其
臂丹赤罵聲不絕即挾出兵刃交下而死事
聞贈通政使諡忠毅子一夔廕生歷任浙江督糧道

郭之培

杭州府志字生洲直隸任邱人丙戌進士康熙
十二年任浙江按察使吏抱牘於前之培

次第批答悉中人隱吏驚以爲神事畢退署默然靜坐門下士餽書及詩箋者悉謝却之以病卒官

揚應魁

台州府志號斗垣四川人康熙十三年爲台紹副使時賊帥曾養性等陷黃巖土寇蜂起

寧紹路塞衆議欲棄台川適應魁兼程至倡言於衆曰台爲寧紹門戶台失則浙東非我有矣悉力拒戰賊潰遁郡東沿海十數郡有私與賊往來者郡帥請悉置之法應魁曰大兵未到之先民爲身家計無他心也悉原之以焦勞卒於任

成其範

名宦畱祀冊字愚崑山東樂安人順治進士康熙十九年以御史巡鹽兩浙斤奸蠹用老

成禁加派疏壅引商竈兩利每於政事閒暇集諸生考論文藝恒舉魏劉獻之言曰四科以德行為首若能入孝出悌忠信仁讓不待出戶天下自知倘不能然雖下帷針股躡屨從師止可博聞多

識於立身之道有何益乎內
陞京卿歷官兵部右侍郎

門可貴

殉難冊逺東海州人任撫標右營遊擊康熙十五年閏逆煽亂隨師援勦嚴衛三月十七

日與賊戰於開化縣華埠地方死之同日陣亡者
本營兵李國林李龍沈定功白守忠陳士強趙德
王秀事

聞

賜卹廕拜他喇

布勒哈番

高永

殉難冊河南歸德人任撫標左營千總耿逆寇
嚴衛奉檄援勦康熙十五年題補瑞安營守備

未抵任三月十七日戰於開化縣華
埠死之本營兵蔣榮俞虎俱陣亡

齊龍

殉難冊直隸眞定人本姓李由行伍值閏變隨
師進勦以功拔撫標左營千總康熙十六年三

月三十日與賊戰於邵武光澤縣之打茶碑寨砲傷而殞時隨勒本標右營兵王得勝孫四何來並

陣亡

王國安

名宦畱祀冊奉天蓋州人康熙二十一年授浙江巡撫整飭漕務清理權稅革鹽政之陋

規建河道之隄閘訓兵息民具有條制杭城兵民雜處營債素爲重累國安捐俸代償焚券息寧民間焚香頂祝陞浙閩總督晉兵部左侍郎

石琳

名宦畱祀冊字瑯公滿洲人康熙六年任兩浙都轉運鹽使杜絕陋規恤商惠道二十年遷浙

江布政使時耿逆初平浙東衢屬被兵尤甚戶口逃亡者多里甲以賠累丁糧爲苦琳查實詳免之通省軍需浩繁積欠未楚琳才猷肆應凡軍供未給應補應銷者悉爲一清藩司衙門陋例革除殆

盡常云革民間一分火耗便可完一分正供以是
嚴檄各屬力除耗贈凡州縣起解錢糧司庫隨到
收兌從無守候之勞嚴禁南米重價折徵給
放時以官斛爲準兵民兩便歷任兩廣總督

趙士麟

杭州府志字玉峰雲南河陽人進士康熙二
十三年以副都御史巡撫浙江蒞任初民爲

營債所苦釀成大案士麟移咨將軍掣繳票約捐
資代償浙中豪右衙蠹驕悍不法廉得其狀悉置
之法強暴斂跡省城內河淤塞幾百年士麟下令
治河半載訖工水道疏通舟楫利便以次繕治城
隍修葺學校凡講學興賢重農務本諸政無不具
舉而陋例亦革除殆盡未幾移撫江蘇兵民於西
湖敬一書院肖像祀
之官至吏部左侍郎

張鵬翮

杭州府志字運青遂寧人順治庚戌進士康
熙二十八年以會都御史巡撫浙江屏絕各

官餽遺革除一切陋例於吏治精密謹嚴事無巨細親爲裁決用法公而不私寬厚有斷情理既得則始終持之確如也嘗曰理政之道以教化爲先雖政事殷繁而宣講

聖諭

及課督士子必躬親訓迪嘗築書院於萬松嶺廩餼諸生極厚而自奉則蔬食菜羹而已四川鄉賢

冊鵬翮蒞浙六載兵民相安地方寧謐陞兵部右侍郎行李蕭然官至文華殿大學士謚文端

蔣毓英

名宦畱祀冊奉天蓋州人官生初任溫州府同知值閩變郡接賊巢毓英撫綏黎庶嚴行

保甲大軍駐衛轉運糧餉一無違悞康熙三十一年陞浙江布政使訪知台州衛屯糧荒歉無徵即

爲詳請蠲免明年浙省旱灾買米平糶勸諭郡縣倡捐米穀散賑加給育嬰堂口糧民咸頌德

查木楊

名宦畱祀冊滿洲人康熙三十三年鎮守浙江將軍約束八旗兵丁不得生事擾民每月

朔望宣講

上諭

俾兵民咸知忠孝大義支放錢糧以官斛量收無

浮滿旗廝牧馬禁殘傷禾稼踐踏墳塋軍牌不時

巡緝毋許放營債以剝民利毋許縱扒手以滋民

害卒於官士民建

祠西湖謚敏恪

顏光敷

公舉事實字學山山東曲阜人復聖裔康熙

戊辰進士由庶常授翰林院檢討三十三年

督學浙江杜交遊絕請托往例提調官薦儒童一

二人自光敷蒞任無敢以私干者丙夜衡文搜羅

寒畯不遺餘力杭郡代倩特甚取歲進新生局戶

另題覆試得文理荒謬與原卷迥異者黜之并黜

代倩保結之人所刻試牘風行海內垂三十餘年

士林誦習不異於初試竣入都行李惟圖書敝簾

而已既祀名宦浙江士復念

之不巳專祀西湖春秋致祭

趙申喬

名宦留祀冊字松伍江南武進人康熙庚戌進士以刑部員外郎里居辛巳春授浙江布

政使受事三日首革南糧布袋之弊他若加平餽
獻兵餉挂發一切禁止時屆編審下令均山陰坊
鄉田畝以絕差徭偏枯寧波黠民倡照地派丁之
說與巨室相持申喬草片檄諭之無敢譁者藩庫
舊有貼解費在任積二千金有奇將受代封識以
付新司武進距杭甚邇家人來輒載米數十斛以
給饗殮未踰年陞浙江巡撫自藩遷署器什惟襪
被一肩書數簾而已錢塘江逼近杭城潮汐晝夜
拍岸者再舊塘傾圯申喬躬親相度地當衝鬻者
易土以石鎔鐵貫其中築子塘護焉嘗諭吏役曰
吾無幕客案牘皆手理汝曹若相欺能保一事不
敗乎答言如公者尚相欺天良何在非惟不敢抑
亦不忍是年大比請增額視江南旋奉
命往湖南會審鎮算紅苗改偏沅巡撫歷官戶部尚書

謚恭毅雍正元年加贈太子太保十年奉
旨建賢良祠入祠致祭

郎廷極

名宦留祀冊字紫衡遼東人康熙三十一年任浙江都轉運鹽使恤竈惠商善政頻舉大

計特薦四十一年任浙江布政使北關監督時議
慮商民間道偷越疏請移務增稅廷極議曰北新
杭關也豈可遠越湖紹稽徵苟能輕耗省費驗放
以時商旅孰肯舍近逸就勞遠哉督撫允議疏入
報可壬午提調鄉閭增設號舍士咸德
之陞江西巡撫歷漕運總督謚溫勤

姜櫛

山西鄉賢冊字仲端保德州人康熙己丑進士
以鴻臚寺少卿提督浙江學政文取清真一變

膚膩浮詭之習間不足額則訪錄前代忠孝理學
之裔以補之有薦於朝者曰姜櫛一錢不要一情
不聽蓋公論也四十二年

聖祖仁皇帝南巡

御書康靜二字以賜之歷陞吏部右侍郎卒馳驛歸葬
忌賜褒卹

張泰交

名宦留祀冊字公孚山西陽城人康熙壬戌進士四十二年以兵部右侍郎巡撫浙江

聖祖仁皇帝南巡
御賜推誠遇人扁額居官清正仁恕表率羣僚尤留意兵

民重務每逢大閱躬詣羅木營整飭隊伍訓練官兵
繕甲冑修器械而尺籍隱冒之弊以除浙省濱
海玉環東洛南麂諸山賊艘所出入也編保甲謹
斥堠俾絕盜源修江塘易土以石立廟鎮之運使
高熊徵開書院於紫陽別墅泰交親至督課與諸
生講論經史大義并倡行鄉約於朔日宣講

上諭士民翕然向風乙酉以疾請告
特遣中書存問卒於官浙人肖像祠於孤山

高熊徵

兩浙鹽法志字渭南岑溪人順治副榜康熙十三年吳逆構亂蔓延粵西熊徵倡義率鄉

兵拒之補桂林府教授授調思明土府陞井陘令四
十年超擢浙江都轉運使官商陋例概行革除一
切公費自爲捐解於正課外不派分毫前官存引
幾八萬熊徵設法疏銷一清逋欠通商恤竈轉輸
自足更以造士爲心捐建紫陽別墅督課諸生振
興文教兩署臬篆惟允惟平卒於官蕭然旅櫬商
民有嘆息泣下者

彭始搏

河南鄉賢冊字直上南陽鄧州人康熙戊辰
進士選庶吉士授檢討改御史旋復入翰林

四十五年提督浙江學政衡文一本經史老成績
學操券而售丙夜一燈伊唔弗輟未嘗就枕惟隱
几交睫而已逾年鬚髮盡白嘗曰庠序至肅名器
至重墨者懦者癖者惰者衡文之賊也人以爲名

言

聖祖仁皇帝南巡

御書公

明盡職四字

以賜任滿還朝歸舟莫辦附糧舫至

京擢內閣學士兼禮部侍郎假歸卒浙士思之建

祠西湖曰
南陽書院

吳開圻

公舉事實字果亭陝西寧夏人康熙戊辰一
甲第三名武進士授喜峰口遊擊卓異

賜蟒服陞昌平州叅將隨圍應制賦詩
賜泥金御書四十五年擢抗協水師副將捐製旗幟盛

甲并烏鎗藤牌又捐造沿江巡船緝禦盜賊閭閻
安枕搜勒大嵐山匪擒賊衆張念一等調台協

副將署黃巖總兵官督提會題保舉調衛州副將
署處州總兵官所至明飭紀律訓練士卒簡閱隊

伍軍容整肅兵民帖然五十六年調雲南元江副
將署鶴麗總兵官擒獲白龍殿譚八等雍正元年

特頒

聖祖仁皇帝御用弓矢

賜之以疾歸卒子進義亦官台協

副將調杭協陞黃巖總兵官

楊宗仁

名官畱祀冊字天爵遼東人康熙五十三年任浙江按察使清節自持有冷面寒鐵之概

遇命盜大案審察至再然後定讞獄無冤濫而豪強巨猾廉訪得實痛懲禁斃未嘗少縱於有司詞訟嚴禁濫差悉令自拘民無擾累浙風俗浮靡力崇節儉婚喪務遵典禮五十四年丁艱歸厯廣東巡撫湖廣總督

段志熙

公舉事實字百惟河南濟源人康熙五十二年任浙江布政使以先任寧台道凡浙中山

川風土民生利弊靡不洞悉藩庫相沿陋規盡行裁革收發賦餉躬親驗兌吏胥不得上下其手間遇水旱輒多方賑恤務獲安全杭城地居省會民廬稠密向多火災形家言北關拱宸橋圯水不制

火志熙即捐俸倡修歷五載訖工城內大小諸河
自前撫趙士麟疏濬後歲久復淤志熙力爲開濬
計工授食民不勞而事集海寧海塘數爲風潮衝
激汕刷大爲民病志熙親詣海塘躬授指畫督修
海晏河清民安物阜八字號塘三千七百餘丈尤
加意學校時巡撫朱軾重建數丈書院集諸生肄
業遠邇向風至者日衆歲費廩餼千金
志熙力任其事捐俸資給士風振起

何世璠

公舉事實字坦園山東新城人康熙己丑進
士庶吉士授檢討改御史雍正元年督學浙

江廣緣請托一不得行弊竇剔除殆盡而不以苛
刻爲明整飭士習每與諸生講誠意無欺之學學
租悉以散給貧生無毫髮染指試未竣轉兩淮鹽
運使擢貴州巡撫以吏部右侍郎署直隸總督卒
於官贈禮部
尚書謚端簡

方觀

公舉事實字觀文江都籍歙縣人康熙己丑進士由庶吉士授編修累遷戶科給事中雍正六

年擢浙江按察使嘗謂盜之不弭吏爲之市也嚴地方抑勒諱匿之禁絕捕役養養尅賊之弊設窩藏科別懲創之條盜遂衰止辨色而起夜秉燭治官書每案牘紛拏符檄填委目覽手答咄嗟立辦老吏無所竄其手遷陝西西安布政使扶病就道至六合卒於途

上聞其疾亟遣醫調治諭止弗行

賜人參計聞贈太常寺卿

杭州府

後漢

陳渾

咸淳臨安志熹平二年爲餘杭令
開上下湖溉公私田一千餘頃

三國吳

陸遜

吳志本傳字伯言吳郡吳人本名議年二十一
始仕幕府歷東西曹令史出爲海昌屯田都尉

並領縣事縣連年亢旱遜開倉穀以賑貧民勸督
農桑百姓蒙賴時會稽山賊潘臨歷年不禽遜召
兵討治所向皆服拜定威校尉權以兄策女配遜
數訪世務會稽太守淳于式表遜枉取民人愁擾
所在遜後詣都言次稱式佳吏權曰式白君而君
薦之何也遜對曰式意欲養民是以白遜若遜復
毀式以亂聖聽不可長也權曰此誠長者之事願
人不能爲耳黃武元年拜輔國將軍領荊州牧封
江陵侯赤烏七年
代顧雍爲丞相

周魴

吳志本傳字子魚吳郡陽美人少好學舉孝廉為寧國長錢唐大帥彭式為寇以魴為錢唐侯

相旬月之間斬式首及其支黨遷丹陽西部都尉

晉

范甯

晉書本傳字武子少為學多所通覽為餘杭令在縣興學校養生徒潔已修禮暮年之後風化

大行自中興以來崇學敦教未有如甯者也
在職六年遷臨淮太守拜中書侍郎

庾羲

晉書庾亮傳亮次子為吳興內史時穆帝頗愛文義羲至郡獻詩頗存諷諫因上表曰事役殷

曠百姓凋殘以數州之資贍四海之務其為勞疲豈可具言臣受恩奕世思盡絲髮受任到東親臨所見敢獻丹愚方見授用而卒

王珣

萬歷杭州府志字元琳導之孫繇侍中為吳國內史在郡為士庶所悅徵為尚書左僕射

南北朝

何叔度

宋書何尚之傳叔度廬江潛關人為金紫光祿大夫吳郡太守加秩中二千石太保王弘

每稱其清身潔已

劉損

南史劉粹傳字子騫元嘉中為吳郡太守成化杭州府志東土殘飢太祖遣揚州治中沈演之

東入賑恤以損綏撫有方稱為良守按損沛郡蕭人

劉真道

冊府元龜為錢唐令元嘉十三年東土飢上遣揚州治中沈演之巡行所在演之表薦真

道政績為治民之良宰帝嘉之賜穀千斛以為步兵校尉

劉道錫

萬歷杭州府志元嘉間令餘杭與錢唐令劉真道咸用治最為使者沈演之所薦同賞殺

十石而演之疏中尤稱道錫能率先吏民築塘拌水著異績云

張祐

宋書王歆之傳祐高平人歷臨安武康錢唐令並著能名宋世言長吏者以祐為首

蕭赤斧

南齊書本傳南蘭陵人宋大明初攻戰有勳封永安亭侯除晉熙王撫軍中兵參軍出為

錢唐令治政為百姓所安吏民請留之時議見許後遷給事中太子詹事

孫謙

南史本傳字長遜東莞莒人齊初為錢唐令御煩以簡獄無繫囚及去官百姓以謙在職不受

餉遺追載練帛以送之謙辭不受每去官輒無私宅借空車廐居焉梁天監九年以老徵為光祿大夫謙自少及老歷二縣五郡所在廉潔居身儉素牀施簾蔭屏風冬則布被莞席夏日無幃帳而夜

卧未嘗有蚊
蚋人多異之

何洵

富陽縣志永明三年任富陽令定寇亂集散亡邑以治稱

王籍

南史本傳字文海臨沂人仕齊爲餘杭令政化如神善於擿伏目下莫能欺又爲錢唐縣下車

布政咸謂數十年來未之有也梁天監中爲輕車湘東王諮議參軍

謹按王籍舊浙江通志作陶籍并云張景之子誤今據南史正之

丁遵

成化杭州府志天監初爲臨安令性恬淡薄於名利嘗於餘杭建橋以濟不通邑人德之

張充

梁書本傳字延符吳郡人天監中除雲麾將軍吳郡太守下車恤貧老故舊莫不欣悅以疾自

陳徵爲散騎常侍
金紫光祿大夫

何敬容

梁書本傳字國禮廬江人尚齊長城公主普

守爲政勤恤民隱辨訟如神視事四年治爲天下
第一吏民詣闕請樹碑詔許之後爲吏部尚書加

侍中改太子中庶子

謝舉

梁書本傳字言揚覽之弟也大同三年爲雲麾
將軍吳郡太守先是何敬容居郡有美績及舉

爲政聲迹畧相比六年入爲侍中中書監

蕭濟

陳書本傳字孝康東海蘭陵人少好學博通經
史解褐梁祕書郎世祖即位授侍中歷守臨安

等郡所在皆著聲績太建初入爲禮部尚書加給事中

王沈

南史傳琰傳沈字彥流東海人歷錢唐山陰秣
陵令南平長沙太守清廉戒慎身恒居祿而居

處日貧死之日無宅
可憩故吏爲營棺柩

劉允恭咸淳臨安志陳時爲餘杭令治事詳明臨下
清簡園園屢空田野開闢百姓爲立德政碑

唐

柳楚賢唐書柳沖傳沖蒲州虞鄉人父楚賢大業中
爲河北縣長高祖兵興楚賢自歸授侍御史

貞觀中歷杭
州刺史有名

郝硤宣德富陽縣志貞觀初年任富陽令十二年開
陽陂湖以蓄水兼造水開溉田萬頃惠利在民

唐書地理志今郝硤開南七十步有堤登封元年
令李濬時築東自海西至於菟浦以捍水患貞元
七年令鄭早
又增修之

丁表

咸淳臨安志字元章麟德中爲於潛令有政績邑人爲立德政碑

陳允升

萬厯杭州府志上元二年爲餘杭令有碑以頌德政

裴惓

萬厯杭州府志中宗時以清德爲巡察使所薦遷杭州刺史爲政有美譽

宋璟

舊唐書本傳字廣平邢州南和人少耿介有大節弱冠舉進士累轉鳳閣舍人神龍中厯杭州

刺史在官清嚴人吏莫有犯者遷吏部尚書尋出爲睦州刺史開元初徵拜刑部尚書遷尚書右丞

相贈太尉
謚文貞

張擇

白居易張擇神道碑字無擇登明經第補弘文館校書郎調杭州錄事參軍前後詰僞制補吏

者三十八人駁假年侍老者二十人舉而正之人服其明遷曹州別駕

袁仁敬

明一統志開元中杭州刺史時元宗自擇諸司長官以仁敬刺杭詔宰相諸王御史以上

祖道洛濱賜詩親書以寵其行
仁敬治郡之暇嘗種九里松

李泌

舊唐書本傳字長源居京北天寶末拜銀青光祿大夫掌樞務出爲杭州刺史以理稱咸淳臨

安志泌徙杭州刺史有風績引
西湖水入城爲六井民利之

崔士元

萬厯杭州府志士元爲富陽令在職以丈風善政有稱永泰元年重建學宮蓋爲政知所

重者

李復

成化杭州府志大厯四年復爲餘杭令有善政民立碑載其事

杜詠

明一統志貞元中爲於潛令嘗開紫溪河溉田又鑿渠以通舟楫民蒙其利

崔涓 唐書本傳涓性開敏爲杭州刺史受署未盡識

卒史乃以紙各署姓名傳襟上過前一閱後數百人呼指無誤終御史大夫

白居易

唐書本傳字樂天其先太原人徙下邳貞元中推進士補校書郎元和元年召入翰林爲

學士遷左拾遺穆宗好畋游獻績虞人箴俄轉中書舍人勾外遷爲杭州刺史始築堤捍錢塘湖鍾洩其水溉田千頃復浚李泌六井民賴其汲會昌初以刑部尚書致仕

常師儒

萬曆杭州府志長慶二年爲餘杭令時縣有虎師儒爲文告神以遣之

歸珖

咸淳臨安志寶應中爲餘杭令因陳渾故蹟置上下湖又開北湖溉田千餘頃及築甬道通西

北大路高廣徑直百餘里行旅無山水之患人稱賢令餘杭縣志珖作溪塘時洪水衝決功用勿成

玃與神誓曰民遭水溺而不能救是玃之職也神矜民亦何忍視其災隄由是就

趙訥成化杭州府志咸通十四年爲富陽令嘗築城富陽縣志訥能文章知政體

五代

聞人凝十國春秋天寶十六年爲富春令重建縣治有興廢功

宋

張去華宋史本傳字信臣開封襄邑人建隆初舉進士甲科真宗嗣位拜左諫議遷給事中知杭

州兩浙自錢氏賦民丁錢有死而不免者去華建議除之景德元年改工部侍郎致仕

鞠詠嘉靖仁和縣志字詠之開封人淳化間爲仁和令有聲績郡守王化基入朝首以詠薦

張詠

宋史本傳字復之濮州鄆城人太平興國進士咸平二年以工部侍郎出知杭州屬歲歉民多

私鬻鹽以自給捕獲犯者數百人詠悉寬其罰而遣之官屬請曰不痛繩之恐無以禁詠曰錢塘十萬家饑者八九苟不以鹽自活一旦蜂聚爲盜則爲患深俟秋成當仍舊法有民家子與姊婿訟家財婿言妻父臨終此子甫三歲故見命掌貲財且有遺書令異日以十之三與子餘七與婿詠曰汝妻父智人也以子幼故托汝苟以七與子則子死汝手矣亟命以七給其子餘三給婿人皆服其明斷大中祥符初加左丞轉工部尚書贈僕射謚忠定

薛映

宋史本傳字景陽家於蜀進士及第景德初以右諫議大夫知杭州映臨決鋒銳庭無畱事轉

運使姚鉉移屬州當直司母得輒斷徒以上罪映即奏徒流笞杖自有科條苟情狀明白何必繫獄

以累和氣請詔天下凡徒流罪於長吏前對辨無所異聽遣決之朝廷施用其言朕爲治嚴明吏不能欺每五鼓冠帶黎明據案決事雖寒暑無異

李陟

王安石李陟神道碑李元昇少以進士舉太學淳化中知秀州嘉興縣浙江堤壞不可治詔江淮荆浙發運使舉可用者以陟通判杭州堤成度用財力甚省而完且可久當時以爲材召除御史

未及而卒

胥致堯

歐陽修胥致堯墓誌世爲燕人徙家合肥端拱咸平間再舉進士監溫州天富鹽監曰吾

親老敢擇祿耶凡治鹽三歲增其舊二百餘斛監杭州排岸司浚浙江龍山二閘廢河堰以通漕

杭人便之遷左班殿直

王濟

宋史本傳字巨川饒陽人景德四年知杭州郡西有錢塘湖溉田千餘頃歲久淤塞濟命工濬

治增治斗門以備潰溢之患仍以白居易舊記刻石湖側民利之大中祥符三年徙知洪州兼江南

西路安撫使屬歲旱躬督官吏爲糜粥全活甚衆

章得

成化杭州府志景德中爲餘杭令建學崇儒教化大行

張若谷

宋史本傳字德繇沙縣人進士及第真宗擢知處州歷江淮制置發運使累遷右諫議大

夫知應天府改龍圖閣學士徙杭州會歲饑斥餘廩爲糜粥賑救之累官至尚書左丞所至有循良

跡不激
許取名

楊偕

歐陽修楊偕墓誌字次公大中祥符元年進士拜著作佐郎累官至工部侍郎嘗知杭州有能

績爲人廉潔剛直少屈而難犯仁
心愛物至其有所能容人多不及

戚綸

咸淳臨安志字仲言楚邱人大中祥符三年以
樞密直學士戶部郎中知杭州綸與轉運使陳

堯佐言浙江潮壩岸漸逼州城望遣使自京師部
埽匠濠寨赴州工役詔從之令馳驛而往命轉運

使更互檢校遂以
埽岸易柱石之制

馬亮

宋史本傳字叔明廬州合肥人舉進士遷殿中
侍御史真宗即位知杭州先是江濤大溢調兵

築堤而工未就詔問所以捍江之策亮稟詔禱伍
員祠下明日潮為之却出橫沙數里堤遂成入焉

御史中丞拜尚書
以太子少保致仕

俞獻卿

咸淳臨安志字諫臣歙州人以集賢院學士
知杭州一日暴風江潮溢決堤勢不可禦獻

卿鑿西山石作堤數十
里民用便之賜詔褒諭

李紘

宋史李昌齡傳紘字仲綱進士及第試祕書省校書郎知於潛剡縣有惠愛厯天章閣待制進

龍圖閣直學士紘方介有吏材篤於交游與劉顏爲友顏死移任子恩官其子

孫錫

王安石孫錫墓誌字昌齡真州人天聖進士知杭州仁和縣籍取克惡戒以不改必窮極案治

而治其餘一以仁恕縣人畏愛之官至尚書度支郎中

李及

東都事畧字幼幾鄭州人舉進士以樞密直學士知杭州時內侍江德元居中用事其弟德明

奉使過杭及待之薄僚佐曰江使者兄弟榮枯大臣如反掌耳今不加禮待雖不求福獨不畏其爲禍乎及曰待之如是足矣既而德明謂僚佐曰李公春秋高何不求閒郡以自處而居杭繁劇之地

耶僚佐走語及笑曰及老矣誠得閒郡以自逸庸何傷既而德明亦不能傷也時人重其操守及資性清介治尚簡嚴喜慰薦下吏而樂道人之善忌杭風俗輕靡未嘗事宴游一日微雪遽出郊衆謂當命賓朋爲高會及獨造林逋清談至暮而歸在杭未嘗市物惟置白樂天一集而已

朱公綽

萬厯杭州府志景祐四年爲鹽官令有惠政蘓夢齡撰記畧云公綽自校祕書陟涖茲土

勤宣惠澤究察民瘼建鹽法損茭輸省茶稅清田畛茲更葺縣署因擇其尤善者紀之

司馬池

東都事畧字和中山西夏縣人舉進士以天章閣待制知河中府徙杭州江鈞張從革爲

兩浙轉運使惡池据撫其事條奏之降知虢州池未謫聞吏有盜官銀稱爲釣僭私費而從革之姍犯稅陰遣人私請或謂可以此報池獨不較人以爲長者子光位宰相

鄭戢

宋史本傳字天休蘇州吳縣人舉進士通判越州以資政殿學士知杭州錢塘湖溉民田數十

頃錢氏置撩清軍以疏淤填水患既納國後不復治葑土堙塞爲豪族僧坊所占冒湖水益狹戢發屬縣丁夫數萬開之民賴其利事聞詔本郡歲治如戢法進戶部侍郎資政殿大學士拜奉國軍節度使贈太尉謚文肅

方偕

咸淳臨安志字齊占莆田人慶厯五年自淮南江浙荆湖制置發運使徙知杭州偕本以吏事

進而杭訟牒素煩決遣無畱事

周濤

王安石周濤墓誌字幾道海陵人慶厯六年進士厯知杭州錢塘縣爲政壹自急飭視民疾如

在己不肯釋事實爲名聲要利所在民愛譽甚於士大夫治平三年授簽書梓州判官

范仲淹

咸淳臨安志字希文蘇州人舉進士皇祐元年自鄧州移知杭州加尚書禮部侍郎二年

吳中大饑仲淹發粟及募民存餉寓衙甚備吳人喜競渡日出宴湖上自春至夏居民空巷出遊又諭諸寺主首曰饑歲工價至賤可以大興土木之役於是諸寺工作鼎興又新殿倉吏舍日役千夫監司奏劾杭州不恤荒政嬉遊不節及公私興造傷耗民力仲淹乃自條敘所以宴遊興造皆欲發有餘之財以惠貧者貿易飲食工技服力之人仰食於公私者日無慮數萬人荒政之施莫此爲大是歲兩浙惟杭州宴然民不流徙遷戶部侍郎

張方平

王鞏張方平行狀字安道世家睢陽明道二年舉茂材異等科以校書郎通判睦州後知

杭州錢塘氣俗輕侈貨利湊聚號煩劇難治方平下車訟庭肅然修救荒之政人無失所杭州地當

街會賓客畱泊百姓積苦厨傳之援方平命典庖
晨一爨而已民以各安其業謂僚屬曰利害於人
不繫細大歸於簡便此政術也大者畏之小者忽
之何有於民也郡城溝瀆自吳越納土未嘗疏浚
湍湑穢濁人戶滌灌皆用之方平視江開方潮退
時高下甚遠因暑雨集舟百餘艘蕩諸穢水發閘
瀉出之乘潮納新水溝瀆一清城中相慶凡諸
施為舉從便利錢塘人著之風謠至今誦詠

李兌

宋史本傳字子西許州臨潁人登進士第為殿
中侍御史仁宗擢天章閣待制知諫院出知杭

州書安民二字以寵徙越州歷守名郡為政簡
嚴老益精明積官尚書右丞轉工部尚書致仕

孫洙

咸淳臨安志字巨源廣陵人仁宗時為於潛令
歐陽修包拯吳奎三人交舉洙應賢良方正科

遷編校祕
書閣載籍

謹按萬厯杭州府志云洙在邑之政無考而三人俱一時名賢合辭交薦則洙之仕學並優可想見矣

蘇頌

宋史本傳字子容泉州南安人父紳葬潤州丹陽因徙居之第進士皇祐五年授祕書監知通

進銀臺司吳越饑選知杭州一日出遇百餘人哀訴曰某以轉運司責逋市易緡錢夜囚晝繫雖死無以償頌曰吾釋汝使汝奉衣食之餘悉以償官期以歲月而足可乎皆謝不敢負果如期而足頌宴客有美堂或告將兵欲亂密使捕渠領十輩荷校付獄中迨夕會散坐客不知也紹聖四年拜太子少師致仕

梅摯

宋史本傳字公儀成都新繁人進士通判蘇州二浙飢官貸種食已而督償頗急摯言借貸本

以行惠乃重困民詔緩輸期慶厯中擢殿中侍御史進龍圖閣學士知杭州帝賜詩寵行累遷右諫議大夫摯性淳靜不爲矯厲之行政迹如其爲人平居未嘗問生業有奏疏四十篇

胡宿

歐陽修胡宿墓誌字武平其先豫章人後徙常州之晉陵舉進士中天聖二年乙科遷湖州爲

政有惠愛築石塘百里捍水患大興學校學者盛於東南自湖學始英宗即位拜尚書吏部侍郎觀文殿學士知杭州爲政不畧細故或謂大臣不宜自勞宿曰此民事也吾不敢忽以是民尤愛之除太子少師致仕

余良肱

宋史本傳字康臣洪州分寧人第進士通判杭州江潮善溢漂官民廬舍良肱壘石堤二

十里障之潮不爲害時王陶爲屬官常以氣犯府帥吏或訴陶帥挾憾欲按之良肱不可曰使陶以

罪去是以直不容也帥遂已後陶官於朝果以直聞

蔡襄

咸淳臨安志字君謨仙遊人治平二年以端明殿學士禮部侍郎知杭州爲政精明吏不能欺

祖無擇

嘉靖浙江通志字擇之上蔡人進士高第累官直集賢院出知袁州厯杭州所至治行著

聞無擇爲人好義以政事文章爲時名卿與王安石不合放棄不振士論惜之

晁端友

成化杭州府志字君成鉅野人熙寧中爲新城令有善政蘇軾序其詩謂清厚靜深如其

爲人

陳襄

武林紀事字述古福州人熙寧中知杭州杭爲都會賓旅之衝朝廷使客相繼襄外應賓客內

撫循人民州不知擾抗雖水鄉然皆斥鹵之地討其源流命工修復故井民遂獲濟

刁壽

咸化杭州府志字景純熙寧中爲於潛令蘇軾倅抗行縣爲賦野翁亭詩有我來觀政問風謠

皆云犬吠足生蹵之句後與蘇軾毛國華並祠於淳江之上

楊時

宋史本傳字中立南劍將樂人熙寧進士河南程顥與弟頤講孔孟純學於熙豐之際時調官

不赴以師禮見顥於潁昌又見程頤於洛聞理一分殊之說慙知餘杭蕭山皆有惠政民思之不忘

時安於州縣未嘗求聞達而德望日重四方之士不遠千里從之號曰龜山先生除通英殿侍書兼

國子祭酒高宗即位除工部侍郎以龍圖閣直學士提舉杭州洞霄宮致仕卒謚文靖

崔暹

咸淳臨安志元豐間爲於潛令有遺愛嘗興元豐塘爲邑人利至今呼崔長官塘

鄭獬

宋史新編字毅夫安陸人進士第一歷官知制誥神宗時召拜翰林學士嘉靖浙江通志獬徙

知杭州極言青苗之害引
疾乞閒提舉鴻慶宮卒

毛國華

嘉靖浙江通志爲於潛令值歲旱蝗國華勤
於捕蝗梅聖俞至其邑作詩贈之曰宦遊逢

此歲年惡飛蝗來時蔽天黑羨君
禾稻熟如雲蝗自識人人不識

蘇軾

宋史本傳字子瞻眉山嘉祐二年試禮部
第二復以春秋對義居第一殿試中乙科復對

制策人三等熙寧二年通判杭州高麗入貢使者
發幣於官吏書稱甲子軾却之曰高麗於本朝稱
臣而不稟正朔吾安敢受使者易書稱熙寧然後
受之時新政日下軾每因法以便民民賴以安元
祐元年除翰林學士兼侍讀拜龍圖閣學士知杭
州既至杭大旱饑疫並作軾請於朝免本路上供
米三之一復得賜度僧牒易米以救饑者又減價
糶常平米多作饘粥藥劑遣使挾醫分坊治病活

者甚衆杭本近海地泉鹹苦居民稀少唐刺史李
泌始引西湖水作六井民足於水白居易又浚西
湖水入漕河自河入田所溉至千頃民以殷富湖
水多葑自唐及錢氏歲輒浚治宋興廢之葑積爲
田水無幾矣漕河失利取給江湖舟行市中潮又
多淤三年一淘爲民大患六井亦幾於廢軾見茅
山一河專受江湖鹽橋一河專受湖水遂浚二河
以通漕復造堰牖以爲湖水蓄洩之限江湖不復
入市以餘力復完六井又取葑田積湖中南北徑
三十里爲長堤以通行者且募人種菱湖中葑不
復生收其利以備修湖取救荒餘錢萬緡糧萬石
及請得百僧度牒以募役者堤成植芙蓉楊柳其
上望之如畫圖杭人名爲蘇公堤浙江潮自海門
東來勢如雷霆而浮山峙於江中與漁浦諸山犬
牙相錯洄洑激射歲敗公私船不可勝計軾議自
浙江上流地名石門並山而東鑿爲漕河引浙江

及谿谷諸水二十餘里以達於江又並山爲岸不能十里以達龍山大慈浦自浦北折折小嶺鑿嶺六十五丈以達嶺東古河浚古河數里達於龍山漕河以避浮山之險人以爲便奏聞有惡軾者力沮之功以故不成軾二十年間再蒞杭有德於民家有畫像飲食必祝又作生祠以報六年召爲吏部尚書

陳師錫

萬厯杭州府志字伯修建陽人令臨安有善政蘓軾薦於朝改宣義郎

許仲蔚

成化杭州府志字子均爲新城令以文學名新城縣志仲蔚少博學有志用世嘗條時務

請建義倉置營田行鄉飲藉田復制科興學校仁宗嘉之擢令新城能以素所自許者推行之政平民又有卓茂之名時蘓軾守杭知仲蔚尤禮重之

孔文仲

宋史本傳字經父臨江新喻人舉進士擢第一調餘杭尉恬介自守不事請謁轉運使在

杭召與議事事已馳歸不詣府人問之曰吾於府無事也再轉台州推官元祐初召爲祕書省校書

郎遷中書文仲與弟武仲皆以文聲起江西時號三孔舍人

陳軒

萬厯杭州府志字元興建陽人紹聖靖國中兩知杭州有善政禱雨獲應

張閣

宋史本傳字臺卿河陽人第進士崇寧初爲翰林學士蔡京免相閣當制厯數其過京復相以

龍圖學士知杭州浙部和買絹杭獨居十三戶有數百匹者閣請均之他郡杭久闕守閣經理有叙

去惡少年之爲人害者州以理聞召拜兵部尚書後爲學士

徐鑄

嘉靖浙江通志字元君年少入官有能名政和初提舉兩浙常平越四年除轉運副使明年以

徽猷閣待制知杭州及代以杭人安其教令特除延慶殿學士

李偃

萬厯杭州府志政和五年以徽猷閣待制知杭州嘗奏湯村巖門白石等處並邊錢塘江與大

海通日受兩潮漸至侵齧乞依六和寺岸用石砌壘詔從之後徙河南尹

黃珪

海寧縣志字元功侯官人政和中辟鹽官縣丞時經方臘亂後給復三年并停鹽法後復舉行

值歲飢帥府以之屬珪珪曰急疲民以悅上官我何能爲於是盡呼邑之父老諭之曰有司持此以供公上吾將寬若程督免若追胥若曹亦樂輸耶咸感泣踰月而辨秩滿屢薦除大理寺卿紹興中

擢監察御史遷吏部郎

謹按舊志作王珪未詳孰是

王昞萬厯杭州府志字子華華陽人政和七年令鹽官鹽官濱海號稱難治期年吏畏民安詞息鹽

饒政有條理其除弊革故不勞而成蓋吏之以敏幹著者

胡紡富陽縣志宣和元年知富陽縣政治有方四野樂業建泰望樓四年築縣城

方懋德萬厯杭州府志字元相宣和三年起家胄監授鄂州刑曹改武康尉邑有丐者死於沈氏

之門或以誣沈獄已具懋德辨而釋之後遷錢塘令府牒索磚五十萬懋德持不可立庭下屹不去之卒罷

江表咸淳臨安志宣和間爲餘杭令有水利記其績父老相傳秦掘地決獄政稱神明蓋當時賈人

瘞券以誣寺僧得其情也又黃頡黃中亦賢令之尤者二黃相繼中面黑頡面白邑人以黑白別之

錢冰

成化杭州府志宣和中爲昌化令有政績重建縣治置雙溪館

李迎

周必大李迎墓表字彥將河陽濟源人欽宗時以恩補將仕郎調婺州都稅院發運使後知臨

安府錢塘縣歲旱畱運河水溉民田會金國使至漕臣諭迎撤壩通舟迎固請畱其曹怒拮据無所得至用前政陳炳事劾迎坐是罷起知婺州金華縣

歐陽珣

海寧縣志字令美吉之廬陵人舉進士爲鹽官令有惠政以薦召入官京師靖康初議割

三鎮以和金珣力爭不可忤時相命使於金爭益力遂見殺

鄭穀

嘉靖浙江通志字致剛建州人知杭州高宗至杭穀奏曰陛下南渡出於倉卒省臺寺監百司

之臣獲濟者鮮當擢吳中之秀以爲用況天下賢俊多避地吳越宜令守臣體訪境內寄居待闕及

見任宮觀等京朝官以上各具姓名以聞拔簡任使庶幾速得賢才以濟艱危詔從之

章誼

宋史本傳字宜叟建州浦城人崇寧進士授杭州通判建炎初陳通寇錢塘城閉部使者檄誼

聚杭州七縣弓兵以張聲勢會王淵討賊誼隨淵得入城賊平旋加撫定人皆德之遷二秩擢倉部

員外郎

劉誨

咸淳臨安志建炎二年金人犯杭守臣康允之棄城保赭山寺誨自楚州赴召在城中衆因推

之以守城陷死之贈直龍圖閣

刁廡

萬歷杭州府志丹陽人紹興五年爲鹽官令學宮毀廢廡重建焉胡瑄記曰廡治尚簡靖察奸

不苛訟獄哀息皆實事也

王綸

宋史本傳字德言建康人紹興五年進士歷臨安府教授權國子正時初建太學亡舊規憑吏

省記吏緣爲奸綸釐正之弊稍革遷勅令所刑定官兼權兵部郎官言孔門弟子與後世諸儒有功

斯文者皆得從祀先聖今闕庠序修禮樂宜以其式頒諸郡縣爲監察御史與秦檜論事忤其意罷

知興國軍檜死召爲起居舍人兼崇政殿說書尋兼權禮部侍郎除資政殿大學士卒諡章敏

邵文炳

成化杭州府志紹興間爲於潛令大興水利又減山鄉折米之直民懷其德政與葉丞相

衡同祠縣南號二賢祠

張澄

萬厯杭州府志紹興八年知臨安府時任同京邑澄有治劇之才請浚治城中二河更不調夫

興工惟兩浙諸州城北廂兵千人赴役尋除戶部侍郎復再知郡浚臨安運河

徐端輔

富陽縣志紹興十五年知富陽縣修學校置學田建稽古閣邑士爲之振起

趙公預

萬歷杭州府志字仲謙常熟人進士爲仁和令居官廉正常言吾求爲循吏不求爲健吏

仕至寶謨閣待制

周必大

嘉靖浙江通志字子充廬陵人紹興進士又中博學宏詞科歷官觀文殿學士進少傅先

是監臨安府和劑局失火延燒民居其發火之家皆繫獄必大曰豈惜一官而不救人乎乃自誣服衆遂得釋

李祥

宋史本傳字元德常州無錫人隆興進士爲錢塘縣主簿時姚憲尹臨安俾攝錄參邏者以巧

發爲能每事下有司必監視鍛鍊囚服乃已嘗誣告一武臣子謗朝政鞠於獄祥不使邏者入門既

而所告無實尹驚曰上命無實乎祥曰即坐謹自
甘憲具論如祥意上曰朕幾誤矣卿吾爭臣也厯
遷國子司業宗正少卿以
直龍圖閣致仕諡肅簡

薛良朋

成化杭州府志隆興二年以兩浙轉運副使
知臨安府警戢盜賊究心職事除直龍圖閣

施師點

厯代名臣奏議字聖與上饒人乾道元年爲
臨安府教授用陳康伯薦賜對言厯年屢下

詔恤民而惠未加決陛下軫念惟恐一夫失所郡
邑搜求唯恐財賦不集毋惑乎日降絲綸恩不霑
被細民既困於倍輸又困於非法重以歲惡室且
垂罄租不如期積多逋負今明堂肆赦戶自四等
以下逋自四年以前願悉除免
上曰非卿不聞此言詔從之

耿秉

萬厯杭州府志江陰人乾道中爲新城令勵廉
隅勤政事興學校和民人省繁役蠲重賦爲一

時循吏冠邑人爲
立生祠仕至侍郎

趙希言

宋史本傳字若訥惠王令應元孫淳熙十四年登第調衢州司戶合郡民以計表其坊里

標其戶數爲圖獻於守守才之會嚴州請復烏龍嶺稅場檄希言往訪之希言力陳不當復漕怒曰衢已復孔步章戴二場何烏龍獨不可復希言謂二場當併罷去漕不能奪二場竟亦廢用薦授臨安府司法知臨安仁和縣闢學宮四百餘畝適大旱蝗集御前蘆場中亘數里希言欲去蘆以除害中使沮其策希言驅卒燔之臨平塘隄決希言督役親捧土投石兵民爭奮隄成又築重隄後不復決民病和買絹折錢重希言節公費代其輸累遷祕書丞著作郎卒贈資政殿大學士封越國公

蔡戡

咸淳臨安志字定夫晉陵人紹熙四年以前朝大夫試司農卿兼知臨安錢塘縣志補歲澇糴

艱戡急請發
倉民賴以濟

周章

周堪

成化杭州府志紹熙慶元間章爲餘杭

得安居堪爲昌化令鑿義
井建慈濟院以便行者

范之柔

萬厯杭州府志蘇州人慶元中知富陽縣督
勵諸生躬行課試三年不倦士擢第者皆出

其講席下一
時稱儒吏云

胡衛

王日益

成化杭州府志衛嘉泰開禧間爲於
潛令興學勸農置郵立堠甚有政績

日益開禧嘉定間爲令有惠政嘗言
能使民安其生物得其所斯無愧矣

呂昭亮

萬厯杭州府志嘉定初知富陽縣邑歲被行
都掾買石板之役數以千計甚苦其擾前令

樓瀟欲爲民蠲之而未暇昭亮先托所知參政路君備陳利病於宰執前已而率民投牒都堂即獲除免慮久或湮泯勒漕臺帥府所頒二帖於石

曾治鳳

萬厯杭州府志字君輝清源人嘉定間爲富陽令修胡鼻山夾道石闌爲義役法又請秋

苗折價民皆德之嘗有瑞麥產於境

趙師恕

餘杭縣志嘉定八年爲餘杭令因雨澤愆期地多荒白上書於朝請勸民雜種麻粟豆麥

之屬以備歲儉謂專種稻一遇水旱則一年之望絕矣雜種先後參差此失則彼得多少亦足以救目前急朝命從之

趙希暨

成化杭州府志紹定中爲昌化令仁厚愛民時有徵楮漆於民希暨爲劄論之極言邑民

生理之薄遂罷徵
仕至端明殿學士

陳旼

萬厯杭州府志端平間令新城時民困於茶租
錢旼爲疏請特與蠲二千八百貫不强其所無

以困
民力

吳革

嘉靖浙江通志江州人淳祐中爲錢塘令南渡
以來錢塘地多爲王宮公府而稅賦尚存民以

爲病革爲奏免
尋通判臨安府

帥寶

杭州府志字仲珍濠州人咸淳中授鹽官丞著
聞清廉擢昌化令勸農課士聽訟咸得其情後

卒於官
畱葬焉

元

申屠致遠

元史本傳字大用東平壽張人宋平焦友直楊居寬宣慰兩浙舉爲都事轉臨安府

安撫司經歷爲杭州路總管府推官宋駙馬楊鎮從子玠節富於貲守藏吏姚溶竊其銀懼事覺誣玠節陰與宋廣益二王通獄具致遠讞之得其情杭人金淵者欲冒籍爲儒儒學教授彭宏不從淵誣宏作詩有異志揭書於市邏者以上致遠察其情執淵窮詰罪之屬縣械反者十七人訊之蓋因寇作以兵自衛實非反者皆得釋西僧楊璉真伽作浮圖於宋故宮欲取高宗所書九經石刻以築基致遠力拒之乃止大德二年僉淮西江北道肅政廉訪司事卒致遠清修苦節恥事權貴聚書萬

卷名曰墨莊
家無餘產

海壽

元史特濟格傳壽伊實雅爾子也由宿衛世祖朝累官至大中大夫杭州路達魯噶齊招復流

民有恩惠卒贈翰林直學士封范陽郡侯謚惠敏

梁曾

元史本傳字貢父燕人大德元年除杭州路總管戶口復者五萬二千四百戶請禁暮夜鞠囚

游街酷刑朝廷是之著爲令十年召爲中書參議皇慶元年仁宗以曾前朝舊臣持授昭文館大學士

阿珠丹

萬厯杭州府志大德初爲昌化達魯噶齊至元間邑燬於紅巾寇阿珠丹力任舉廢公署民

廬多所興建災亂之餘百姓允賴

善榮

餘杭縣新志字子華大德間爲餘杭縣尹時永安寺僧構結豪家倚勢壓鄉民榮在任每挫辱

之一日江浙省平章伊蘇岱爾因獵至其寺僧詣之遂使辱榮榮抗辭以對左右皆懾由是名重一

時

常濟

成化杭州府志大德十一年爲餘杭縣尹時歲饑民多流亡濟請於江浙行省以木縣儲糧賑

之活民
萬數

伊德寧古爾

萬厯杭州府志延祐間爲昌化達魯噶齊作士勸農政教兼舉建義倉增學廩

百廢以興
稱爲才令

王昌

成化杭州府志字子榮益都人延祐初爲餘杭尹時臨安民許椿赴闕言各縣田稅不均命平

章張閭經理昌力辦之事得白惠及旁邑政績著聞轉徽州路推官及卒還葬餘杭觀國山民立石頌功且塑像祠之

趙璉

元史本傳字伯器至治進士除杭州路總管強毅開敏精力絕人浙右病於徭役民充坊里正

者皆破其家朝廷令行省召入郡守集議便民之法璉獻議以屬縣坊正爲僱役里正用田賦以均之民咸以爲便有盜誘其同惡持刃出市斫人以索金市民乃戶歛以予之人無敢言者璉曰此不可長也遣卒掩捕之盡戮諸市踰年召拜吏部侍郎杭人思之刻其政績於碑

李愍

萬歷杭州府志至元四年知海寧州修瓦石堰重設車注之具民皆利之

張傑

楊維禎張令禦寇碑字漢臣世家濟南爲於潛縣令至元乙未賊起安吉東抵縣境傑以義結

民爲伍乘法修門墜理器械立旗色號凡若干伍傑申令今日與民共死生若輩偷生令以伍乘法殺若輩吾偷生若輩亦以伍乘法殺令即夜統衆二十人跡賊所往殺其魁及從十人賊望風奔潰

明年賊又自徽突抵昌化昌化去縣治僅三十里居民皆荷檐謀徙傑舖牛酒呼民復以伍乘法矢如初賊素聞傑名皆遁去縣訖安堵如故仍調鄉夫守禦四門晝理縣事夜巡縣境以爲常夏四月淫雨三麥垂稔而腐傑疏諸岳祠痛自責者三而天大霽

齊光祖成化杭州府志字起宗大興人至正丙申以紹興路錄事爲昌化縣尹時四境有兵光祖以乃糾民兵爲團保計邑賴以安後苗軍至邑築城果獷悍可畏每有需索於民光祖力拒之人稱其剛

王輔海寧縣志字正卿冀寧人至正丙申知海寧州心存姬育有所徵輸於民恒涕泣命之時納哈塔取宜興楊謂勒哲克大麻強通討華亭後皆鎮禦州境民苦供億輔曲加綏戢俾無逋亡杭州路總管

咬住爲作王
州守安民碑

蔣文煥
萬厯杭州府志字彥章蒙城人至正庚子爲
於潛尹時當兵凶疾疫之餘專以招徠撫字

務爲

孫彥卿
萬厯杭州府志句容人由人材累官杭州
路總管廉慎有爲部中鎮靜以疾卒於官

特穆爾魯斯
嘉靖浙江通志字周賢喀喇人至正十三
年守杭屬浙黃寇犯郡廟學鞠爲瓦礫特
穆爾魯斯以學校教化所繫乃謀興造基
址舊窄隘因購禮拜寺地以充廣之

常額森
成化杭州府志爲餘杭縣尹增築南湖塘又
增縣西官塘十八里迄今免水溢之患民懷

其惠

曹忠

楊維禎曹尹惠政碑字惟良燕人爲富陽尹下車首以敦本厚俗爲先務屬孔子廟壞乃捐圭

田之入率士籍之優饒者以建立爲事廟既成聘名師招俊民而教養之數月絃歌禮讓之風達於郊鄙繼新三皇之宮社稷之祀皆煥然可觀下至郵驛河梁百廢具興歲六月不雨禾將槁忠走祈山川甘雨隨注馬山有虎白

畫傷人忠投檄山靈虎尋去

張光祖

海寧縣志知海寧州以旱禱妙智閣下甘雨隨澍明年復大旱光祖復禱一雨三日又嘗

治長安三閘秩滿日劉基作序送之

夏思忠

嘉靖浙江通志字仲信高郵人授江浙行省郎中改杭州路總管思忠開敏無滯碍遇事

勇於有爲抗學兵燹之後前守特穆爾魯斯興造甫完守廟者不戒於火悉焚之思忠慨然以興復爲

已任基址廣袤廟宇
嚴整爲浙右之冠

明

朱夢炎

萬厯杭州府志字仲雅進賢人故元進士吳元年任浙江按察司經歷明初萬事草創而

夢炎守官不
怠法紀自張

王興福

成化杭州府志隨州人知杭州時杭初附民心未安興福明於大體撫輯多方寬簡不苛

大慰民望吳元年四月不雨至六月興福致禱立
應歲獲有年建山川壇於鳳凰山下滿秩百姓遮

畱再三諭遣而後行民以彩旗送出境興福謝曰
非我之政能惠爾民爾民能奉教條以體我之心

尋陞吏
部尚書

嚴德

萬厯杭州府志字君輔當塗采石人從太祖以平江浙有功授海寧衛指揮同知守禦杭州統

軍取台州力戰死追贈賜祭葬西湖之北山

楊璟

嘉靖浙江通志濠州定遠人歲乙未從太祖於和陽充先鋒扈蹕渡江克太平南臺鎮江常州

諸處丙午隨大軍征浙西克湖州嘉興洪武元年從徐達常遇春北伐有功班師陞杭州衛指揮僉事尋陞本衛指揮同知

孫虎

嘉靖浙江通志壽州人剛勇善戰嘗爲義兵長以功授千戶領兵守建德從大軍克新城攻桐

廬略富陽遂克餘杭取杭州陞海寧衛指揮副使嘉興盜起率兵捕斬之

袁思謙

杭州府志洪武元年知臨安時當兵燹之後開草萊以開縣治建官署學校壇廟招撫流

亡日以砭砭稱爲幹吏秩
滿陞山西布政司理問

楊敬

杭州府志麻城人洪武初知富陽縣時初開草萊開縣治建置殷繁敬行政寬猛得宜民感其

惠

徐弼

萬厯杭州府志英德人洪武初爲新城知縣縣治學宮皆其創建撫民有方

王德宣

成化杭州府志饒州德興人洪武五年知杭州約已以廉字民以義崇儒重道作興士類

捐俸置書六百二十七冊藏於
府學崇文閣以畀士子習讀

梁初

萬厯杭州府志溧陽人洪武七年知餘杭縣時邑初附民尚逃匿邑里荒蕪初多方導民開墾

曠土盡闢虎白晝傷人禱於城隍祠惠遂息撫字有法民樂耕桑數年難犬相聞井邑蕃殖且孜孜

興飭學校
人士稱之

楊卓

史槩字自立一字子淵南昌人洪武辛亥進士授吏部主事踰年改杭州府通判爲政宣弟杭

民兄弟爭田各有私親教唆主持累歲不決卓至悉屏私親獨召兄弟兩人曉譬深切皆感悟相讓

歷官皆繁劇躬泣勤敏未嘗有滯事

李可立

萬歷杭州府志洪武間爲新城知縣建宣聖廟兩廡明倫堂齋舍請貸種食撫民愛士人

稱爲秀才李

榻銘德

嘉靖海寧縣志南雄保昌人由監生任海寧縣丞治民無擾爲政有方繕葺學校陞寧國

知府

邱子強

承簡化杭州府志永豐人洪武十八年爲餘杭

然示民以信賦稅科差與民期約曉以利
害量力取辦未嘗給帖遣吏胥虐鄉里

張浩

成化杭州府志巴陵人任新城縣學教諭生員
屢次詣闕保畱凡在任二十九年募塑聖賢像

砌泮池作櫺星門一
以公平絕去已私

李發

成化杭州府志胙城人洪武二十八年爲餘杭
丞剛明廉直教民有方有父子異居分財者以

五教五刑勸善懲惡之
道諭之民感悅而化

劉頤

萬厯杭州府志洪武三十一年知臨安縣
賦役均平民無橫擾陞任去久衆猶懷之

韶護

嘉靖仁和县志陝西岐山人洪武三十一年任
仁和居官能幹爲政不苛獄無畱滯吏民畏而

愛之

黃信中

錢塘縣志洪武間知錢塘縣奉職循理勤公恤下爲治以廉約著稱秩滿當去會知府員

缺部民詣闕懇請即摧知杭州府保釐有方時稱循吏

林源

萬厯杭州府志福建長樂人永樂元年知餘杭縣首興學校修大成殿造明倫堂朔望勸課生

徒咸知感勵賦役均平催科不擾凡部使者行縣詢吏賢否至林令皆以公勤廉敏對

盧玉潤

成化杭州府志江西新淦人由吏員厯杭州府勤慎愛民刑不苛暴吏服其明陞廣東

叅政

葉宗行

分省人物考華亭人永樂中知錢塘縣爲定役法俾民自占甲乙書於冊循次而呼之役

遂以均詞訟亦簡不逾年翕然稱治一日廳事前有蛇蜿蜒若有所訴者宗行曰若豈有冤乎吾爲汝驗之蛇返入餅肆中爐下發之得屍乃肆主人利其財殺而埋此遂伏誅又嘗江行忽舟重不能進視之一屍挂柁下有石乃里中人殺而沉之者亦伏誅縣多虎暴爲文祭之虎遂欲迹按察使周新尤重之嘗候宗行出潛至其舍視之惟笠澤銀魚乾一封新攜少許去明日召以食曰此君家物也飲之至醉人呼爲錢塘一葉清

劉東

萬厯杭州府志獲鹿人永樂中由太學生知新城縣在任祛虎患一十有八邑之折桂鄉有魚

池潭與祥禽鄉鄰界水雖歸聚於潭而順流東下勢不久蓄又南屏隔山田畝每旱不能灌溉秉躬度地形率民夫千名鑿山通道築堰二十餘丈又爲閘以慎防蓄泄仍立堰長司之自堰下流至於

龍山下注石頭及宦塘路口上下溉田
二千餘畝化爲膏腴後人立廟以祀

易輓

萬厯杭州府志高安人永樂九年爲杭州府通判廉幹勤敏政理公平倅郡數年鋤强革弊民

爲謠曰易打鬼清如水擢高州知府

胡勉

萬厯杭州府志字志學鹽城人永樂十一年擢杭州知府精勤敏決抑豪右擢奸宄吏不得肆

至窮閭細吐保愛矜恤惟恐傷之勸學興禮敦崇文儒士風丕振以憂去

熊以淵

成化杭州府志南昌靖安人初任蕭山縣丞以廉能薦陞杭州府通判專治農務躬厯田

野率民具畚鍤築淪河濬導溝洫堤塹之傍樹以桑柳俾水旱有備民蒙其利秩滿陞泰安州知州

陳復

名山藏懷安人永樂甲辰進士知杭州府治尚簡易獄訟減少日惟端坐堂上與羣吏講讀法

令慎職守而已卒於官貧無以飲按察使軒輓倡爲賻贈其子盡却之曰吾父清白敢沒而污之假

貸歸喪

謹按舊志作陳福未詳孰是

陳嘉

成化杭州府志長樂人宣德七年爲海寧主簿縣與海寧千戶所錯處軍縱官馬戕民稼及巡

夜生事嘉乞巡夜自著有司官馬害稼戕傷勿論由是民庶獲安

吳堂

富陽縣志樂平人永樂辛丑進士宣德九年知富陽宿弊盡釐庭稀訟牒嘗繪楊震却金故事

於退食所以自勵與部使者不合解秩去父老詣闕乞畱復職一邑騷呼如再覩父母在任築春江

隄復東觀山關奏減白綿貢修飭庠校建譙樓廣城隍廟新子陵祠修富春志此政績之最著者秩

滿民立功
名曰報功

聶大年

堯山堂外紀號東軒臨川人景泰間爲仁和訓導一時達官顯人皆禮重之歷官九年不

以家眷自隨天順初被徵修史卒於京邸嘉靖仁和縣志大年以明經訓仁和士有貧不能自存者捐俸周之陞教諭教思益弘大有成就

侯昌

成化杭州府志山東魚臺人由監生正統元年授杭州府同知貯米穀以備賑濟修陂塘以備

旱澇民賴之陞
處州府知府

許璞

嘉靖仁和縣志字玉卿鳳翔人發解舉首正統六年薦陞仁和縣公平廉慎輕徭薄歛卒官貧

無以飲民
爭賄之

郭郊嘉靖海寧縣志直隸肥鄉人由進士正統十一年任海寧縣廉介過人明威得體陞南京戶部

主事

段信萬厯杭州府志陝西三原人正統丙辰進士任杭州府推官明習憲章精聽斷持法不務深文而奸宄卒無縱舍召拜御史仕至僉都御史

鄭循初萬厯杭州府志字子初莆田人正統十二年鄉薦授餘杭訓導嚴條約以身先之祁寒暑雨必衣冠端坐爲諸生講解竟日無怠容仕終秦府右長史

羅能海寧縣志吉水人正統甲子任海寧學教諭課士分三等鷄鳴而起夜分不倦時師道嚴士皆

絃誦於泮宮倡率不倦明代
以儒官列俎豆者能爲之首

楊達

成化杭州府志合肥人襲杭州右衛前所正千
戶以廉能稱正統十三年隨軍征勦金華處州

盜賊至武義縣首先禦
賊歿於陣贈指揮僉事

江永

成化杭州府志望江人襲杭州前衛指揮僉事
正統十三年隨軍征勦衢州府盜賊至江山縣

奮勇陷陣亡
贈指揮同知

脫剛

仁和縣志列伯之孫任杭州前衛指揮同知果
銳善戰每摧鋒陷陣爲士衆先正統十四年征

勦處州劇寇時賊兵圍城造火車攻城風急火熾
城幾陷天忽反風火焚敵車賊衆敗走剛開門追
之手揮二劍縱橫如飛追奔數百里斬首數百級
益務深入賊合圍蹶其馬剛下馬步鬪猶手刃數

十人衆爭刺之遂遇害
景泰間贈官賜御祭

張隆

萬厯杭州府志雲南建水人正統中由監生任杭州府知事蔚有賢聲景泰元年以言者薦擢

本府通判尋進知府患杭俗侈汰躬爲節儉以矯正之身所服御僅同寒素靡俗爲之少變厭俗吏苛急政尚寬簡有古循良風以母喪去行李蕭然人服其介

張杲

萬厯杭州府志長洲人正統間由舉人爲新城知縣凡邑中所辦弓張厯日水夫驢站等料咸

減價
利民

張禧

分省人物考字公錫靈璧人景泰甲戌進士令餘姚邑有水怪虎患僖爲丈祭之遂愈陞杭州

知府值歲飢設法賑濟全活六萬餘戶晉湖廣參政未行卒杭人祠之

馬偉

成化杭州府志直隸瀛海人景泰間以舉人為杭州府同知為政簡易尚文雅修岳武穆墓廟

奏與廟額曰忠烈加一祭以春秋仲月行事陞處州府知府

胡濬

魏驥胡濬傳字源淵鉛山人登進士天順改元知杭州府躬行屬邑察民利病時值久旱行次

新城見田疇乏水漑濬登山周視見五里之外有水可引為濟名其主諭以引水開渠田遂得水猶新城相其地上可引山泉下可引江水乃召民致牘一所而時其蓄洩民亦名其牘曰胡公牘新城有許遠廟錢塘有白居易蘇軾林逋三賢祠歲久傾圯倡率修建以聳士民之瞻仰

張敏

萬厯杭州府志直隸蠡縣人天順五年由舉人知餘杭縣事惠庇善弱威制豪强居二年事治

民安治績稱最以母憂去
士夫作青天歌以送之

唐子昌

萬厯杭州府志湖廣會同人由舉人厯桐廬教諭天順四年擢臨安知縣不事苛察民有

爭訟者呼至案前曉以禮法戒以禍福皆感服曰
真吾父母也鼎新學林橋修葺學宮官署城隍廟
宇煥然聿新九載秩滿遂占籍臨安

江湖

萬厯杭州府志潼關衛官生成化元年由舉人任新城縣清廉勤政遇有旱災設法勸相賑濟

饑困崇重學校士民頌之

黃昇

昌化縣志號與竹番禺人舉鄉試由肥鄉學擢昌化令嘗六月祈雨芒履出禱入則焚香私第

密禱如外三禱三雨邑中虎
爲民害以文禱於神虎去

陳榮

顧璘陳榮傳字仲仁上元人中成化舉人知仁和縣仁和財賦重困且附省城榮戴星出入案

無停判萬意愛民不以毀譽禍福置慮歲旱請減民租什五監司曰二亦足矣榮曰災應如此奈何厲民卒守前議方冬發民築海堤民多凍死榮曰選遠利以威近害民何以堪遂罷役踰年政成乃興庠序之教建社學十許所禮教日振御史歲巡罔不旌禮之

陳讓

獻徵錄字德光大河衛人由進士知杭州府息

逼海寧城羣策莫能治乃請去城一里支河築內堤延袤十里以寬制猛不與海爭利海果至堤而止省城奸人多托權勢家避匿糧差悉查覈歸正無敢怙終者

梁萬鍾

仁和縣志字天錫四川溫江人成化戊戌進士知仁和興利舉廢斷獄明慎寬滯者多所

平反擢知杭州浚西湖以瀦水使旱澇有儲新岳
武穆王祠政尚寬簡陞兩浙鹽運使乞休逆瑾持
撫代民償逋負三千金盡
鬻已產輸官恬不介意

鄭軾萬厯杭州府志字武之江西永豐人成化十五
年由進士知餘杭清白自持下車即詢訪民情
釐革夙弊夏秋二稅皆預與民爲期鄉無吏跡而
輸納者嘗先他邑母老隨任以疾卒棺斂不備有
以賻奠饋者却之不攜一物以行
民無老幼皆流涕後陞監察御史

方早

萬厯杭州府志歙縣人成化間由舉人任臨安
御吏方嚴聽訟明允尤重學校敬禮士夫創造

竹林長橋一
座以便往來

鄧淮

富陽縣志吉水人弘治二年知富陽縣有惠政
留心學校移廟學於西以造士子崇重先賢敦

尚風教訪俞膺遺文表
章之復優恤其子孫

余本釗

萬厯杭州府志字應明江夏人弘治五年以舉人知錢塘縣有治績爲時所稱歛人張良

寓杭爲人所誣當具獄爲昭雪
之良深感德繪像以示子孫

李壁

嘉靖仁和縣志字白夫武緣人弘治八年領鄉薦授蘭谿教諭改仁和居官不苟取予士子有

貧不能養生送死者出俸資之學宮文物有廢缺者奮然修舉仁和縣志部使者欲移石經抗顏執爭竟莫能奪士林爲之語曰白夫先生
今之胡瑗也仕終南京戶部員外郎

嵇鋼

萬厯杭州府志字汝堅安東人弘治壬戌由舉人知於潛縣愛民好士興學校鋤強梗案無畱

牘以才名調海鹽
兩地之民思之

李頎

仁和縣志河南考城人弘治乙酉舉於鄉初任海鹽改知於潛歷署仁和餘杭縣事以廉慎著

稱

陳祥

萬歷杭州府志福建永安人弘治十五年以監生授餘杭縣主簿涖官清慎境內橋道圩岸時

加修理不斂民財而事自辦憫孤窮好賢士

楊孟瑛

萬歷杭州府志字溫甫四川鄧都人成化丁未進士弘治十五年知杭州當事敢任如化丁

安溪竹木開却福建進貢之借艘於杭減免旱災糧七萬石定水馬驛夫之徵皆便民美政其浚復

西湖俾水有蓄洩利益下塘諸田尤溥

王翔鳳

嘉靖臨安縣志遼東舉人弘治間任臨安廉而有爲追積年侵欺之稅糧禁豪猾鼎建文

廟厯官三載囊橐蕭然百姓戴之如父母朝覲赴京致仕

承天秀

常州府志字鍾之靖江人正德丁卯鄉舉授錢塘知縣歷任九載會織造內監畢真有逆

謀約翌日黎明發兵時漏下二鼓天秀偵得其實乘夜集兵城上張燈發砲畢驚怒聚眾鼓譟見守禦已嚴即解散事聞置軍於法

彭辨之

分省人物考霍山人字問夫正德戊辰進士知餘杭縣時逆瑾舞權浙省苦於織造力裁

之邑得不擾擢工部主事出補饒州府進山東叅政

喻江

餘杭縣志字朝之藤縣人正德十二年知餘杭性廉介樂易愛人至有利害關一邑則果於有

為毅然無所畏憚葺孔子廟庭舊名宦鄉賢無祠擇學舍東偏構祠以祀

呂夔 萬應杭州府志字祖邦永豐人正德間知杭州府惠愛旁洽吏民安之迨歸攀輿泣而送者塞路

王正宗

嘉靖臨安縣志固安人正德十三年由進士任臨安縣俗尚邪術悉禁止之毀淫祠以正

人心凡把持官府牙行私報竹木茶筍糧里多科違例取索之害禁革殆盡尤作興學校修理兩廡齋號及坊表政暇即詣學講書考文

始終不倦去時行李蕭然陞御史

查仲道

萬應杭州府志字丈夫寧州人正德甲戌進士除兵部主事嘗力諫武廟南巡被杖嘉靖

初為杭州知府時織造中官肆暴於民仲道及右使馬卿每事抗之為所媒孽與卿同時械捕至京謫福建運司同知

後陞汀州知府

王確

餘杭縣志字介夫潁上人嘉靖五年由舉人知餘杭縣有民孫榮者被誣成獄確爲力辨得減

死邑有成化志僅抄本確特成之邑之有志自此始

錢瀾

萬歷杭州府志字希孟阜城人嘉靖六年任杭州運司同知性高潔恥以財利自汙司醴政者

八年冰蘖之操始終無玷兩浙廉吏稱最著者咸謂項城婁志德與瀾爲無愧云

方舟

富陽縣志號柳溪婺源人嘉靖九年進士知富陽能以文學飾吏治修學宮建觀山鐘樓修縣

志

王惟孝

富陽縣志字希曾上元人嘉靖十二年由鄉舉知富陽縣初涖邑即賑民饑為政敏幹慈

祥砥勵清操嘗具疏奏本縣驛站衝繁難給江潮漲折易淹歷日偏累三里漕米獨異浙東乞將漕

糧改入嘉湖納米本縣代彼解銀下部
議覆不果行居數年以卓異薦爲御史

嚴寬

海寧縣志丹徒人嘉靖十二年由進士任海寧
縣時因捍海塘之役建議準海鹽例歲儲均徭

役銀以備修築自後寧邑設海塘夫一百
五名年儲役銀三百兩著爲令自寬始也

華文南

舊浙江通志無錫人嘉靖中任昌化令諳治
體悉民情詳革會江驛就役抵解銀兩及除

本縣遞
送夫馬

蔡銳

萬歷杭州府志字抑之南京留守衛人嘉靖中
由舉人知河南通許縣以抗直忤上官謫杭州

府學教授爲人方毅端嚴得師儒之體談經授藝
皆令歸諸身心諸生皆嚴事之守己廉貞雖生徒
歲時常饋不受一生以私奸敗行持百金求解立
白於督學使者黜之又一生爲父訟不孝銳曰是

不難黜恐爾父子中悔奈何乃召生立庭下聲大義責之父子俱泣謝而去

張應亮

餘杭縣志字汝龍高淳人嘉靖間由舉人知餘杭縣廉明若神時倭告警督撫命以戎務

監千人以行應亮奏凱而還擢御史

周易

昌化縣志字少東句容人嘉靖中以鄉薦知昌化縣嚴毅明敏剖發如神上官以其廉幹兩委

海寧縣昌化民為之立望來亭

李鵬舉

萬厯杭州府志字圖南廣東歸善人嘉靖中由舉人任餘杭教諭改建學宮申明教條親

授諸生課業且以士相見禮使之習肆置善惡二簿俾知懲勸士皆彬彬振興後任台州府同知風介益

厲

伊敏生

臨安縣志吳縣閩
常以計止閩

害臨安縣
知縣咸戴之

李義壯

仁和縣志字雅大廣東南海人嘉靖癸未進士知仁和縣前令以誥誤去丞署邑久吏緣

為奸義壯至勾檢畧盡御之以法下吏抱案牘至前脅息莫敢仰視視片言輒決老吏勿如不為峭刻而亦無縱舍請託不行歲賦丁役皆親自訂定胥吏毫不得與凡奉臺省勘議事關民瘼者務在惠利小民恥從順以希知遇遇士大夫以禮然憚其方嚴無敢以私干之以是獄訟無枉仕終右僉都御史御

馬逢伯

舊浙江通志六合人嘉靖中知昌化首葺文廟建學齋邑役三倍錢塘乃懇言上官蠲二

大戶及會江驛庫等役又中除糧道例扣銀并冊書飛灑諸弊歲省糧數百金有為盜殺於路者逢

伯為文禱城
隍遂獲真盜

蔡潤宗

餘杭縣新志號東洛福建晉江人由舉人嘉靖二十三年知餘杭縣卹民禮士連歲邑大

歉小民艱於輸將潤宗寬歲限令得徐徐輸納舊例糧過三月不解者降二級縣吏持以白潤宗不

為改去之日
士民為立碑

羊修

新城縣志詹州人嘉靖二十七年為新城令詢鞫必得其情催科亦以次辦無撓掠期限一時

豪右歛戢去之
日行李蕭然

周之冕

餘杭縣志字元服湖廣黃岡人由舉人嘉靖二十九年任餘杭縣勸農桑勤教化凡詞案

悉置祕室吏胥無所售其奸催科調其緩急尤崇獎孝義節烈

何善

舊浙江通志知新城邑田畝夾山夏秋雨漲害稼善躬往相度築堤濬溝適歲歉不待報出粟

賑飢吏難之曰苟活民吾何畏罪公署學校以次興修

陳仕賢

萬厯杭州府志字邦憲福清人嘉靖進士知杭州府清操愈勵衣不重綵食無兼味務瘠

已以肥百姓水旱祈禱輒效當官不務操切而事簡政平吏民樂其不煩

范永齡

舊浙江通志新城令清介質直之官不攜家人不敢干以私貧窮者每優恤之屬倭亂

築城計民貧無經費乃籍富豪之寄莊者築其半城成民不知擾

袁澤

舊浙江通志知新城雄於才畧悉民之隱令行禁止人不敢欺學校塘堰修葺一新

陳善道

仁和縣志景陵人杭州前衛指揮僉事時寇起海上巡撫命善道率兵走七十里戰緒山

下敗死報至其父鳳問創在背乎抑前也報者曰
前負傷死鳳曰若是則死忠矣吾奚痛為事聞賜
卹

鄭伯興

杭州府志嘉靖三十二年知海寧縣島寇犯
海徽監司欲以糧勸民伯興持不可曰貧民

尚通常賦欲以兵授民又持不可曰不忍驅白徒
以膏島寇至以利害怵之伯興不為動邑人得安

桂軌

富陽縣志號信齋安仁人嘉靖三十四年以舉
人知富陽縣明察能斷務以振作飭靡人咸敬

畏之建置縣城設法區
處計丁均辦刻日成功

魏希古

臨安縣志臨桂人知臨安縣剛介有為嘉靖
三十四年倭寇杭州至臨安希古躬親矢石

為兵民先築土垣
以資捍禦民賴之

吳徵芳

新城縣志號木峰湖廣澧州人由鄉貢宰新城才畧敏決建學宮濬城濠附郭田沾灌溉

焉

施陽得

富陽縣志號中川無錫人嘉靖四十四年知縣愛民禮士事舉政成重造恩波橋易木爲

石閭整壯固

易名永濟

石應潮

餘杭縣新志字思吾上海人由舉人嘉靖四十四年任餘杭樹蔬而食家縲而衣買水而

飲邑為之謠曰米載雲間白泉沽芻水清潮聞之曰石使君名與茗水並傳生平之願足矣

黃正色

仁和縣志字士尚江陰人嘉靖進士令仁果敢有大節臨事立斷無所屈撓而中懷樂

易民愛敬之呼之爲父盈庭執競徐以溫言省諭狡僞者率多愴悔以憂去後官御史

李承式

錢塘縣志字敬直大同人嘉靖末由進士知錢塘縣時值災祲救賑不遺餘力有大徵發

咄嗟立辦

謝紹芳

海寧縣志字劍緒福建既寧人為海寧令設誠力行與民休息遇誣命者應時剖析溝瀆

無冤民几案無留牘所全活不可勝數後擢南臺御史

許天贈

海寧縣志黥縣人由進士知海寧縣隆慶元年奉檄丈田天贈精勾股法於弓步中照畝

通攤徵額無虧而官田官地偏枯之累坍江空號虧田之患及奸胥邪移飛灑之弊一時盡剔其法有原造丈量冊有魚鱗冊有原造業主冊有歸戶實徵冊其丈田有鈔弓有木弓有竹篾弓鈔弓以鄉尺六尺為準木弓以鈔弓二弓為準田之短者用之蔑弓以鈔弓二十弓為準田之闊而長者用

之以田準稅以稅
來田闔邑便之

劉紹恤

臨安縣志安樂人進士知臨安嚴明廉敏吏
畏如神尤如意學校拓宮牆濬泮池力增科

舉額破格禮士
所著有臨安集

林大輪

舊浙江通志字西峰莆田人隆慶間知餘杭
縣一意撫循適觀察使徐某巡縣取篆函意

在得賄吏以此白大輪叱曰觀察之謂
何乃以空函進凡數易函竟不納賄

黃從律

舊浙江通志為杭州通判浙西水災發賑銀
三千餘又准各府錢糧蠲停改折畱抵賑荒

佐郡守分賑足徧村聚親自散給民
賴以全其他發奸擿伏尤不勝計

姜召

舊浙江通志四川廣安州人萬厯初令錢塘剖
決若神接縉紳以禮一千以私辭色俱厲均徭

清賦立鄉約置
義倉百廢具舉

劉元瀚

海寧縣志貴州新貴人由鄉薦爲杭州府同知寧邑海塘隨築隨圯三臺咸臨相視屬元

瀚董其役以庚午四月受事擇能吏五六人分督之時時躬巡海上課勤惰爲殿最其法以木樅盛

巨石鱗次櫛比復用木椿夾持內外工稍就緒七月初海水復溢不爲民害

蘇湖

海寧縣志太和人萬厯四年任海寧令時海鹽海嘯寧塘盡圯漂廬舍溺人無算巡撫徐斌議

修築而難其人湖適至即委之湖定議擇本縣官民之廉幹者令各認丈尺編字號酌難易爲裒益尅期興作懸賞格以課督之三月而役竣事半工倍焉

鄭日休

舊浙江通志字舒軒閩縣人萬厯初任海寧教諭旬試月會尤重行實諄諄勸勉見士以

非公涸有司者召而訶之或遭枉抑必力爲白訓導沒於官貧不能喪日休爲之殮他若賑貧士婚

葬輒割俸予之

唐際盛

舊浙江通志字士瑩福建莆田人萬厯中知杭州時治中別駕及令長多不自檢際盛以

威稜接御之爲政取吏者什九取民纔一二誦聲徧野陞杭嘉湖道錢塘令以妄取市物民不從拘於獄將夜斃之適際盛入省市民散呼曰得重生矣令聞解印綬去

陳堯典

舊浙江通志蒼梧人萬厯間任於潛潔已愛民士貧不能試者輒資給之邑南浮溪宣歙

孔道也每山水驟漲行旅艱阻堯典捐俸置渡田

楊偉

餘杭縣新志號鼇山福建晉江人由舉人萬厯十年任餘杭歲饑請以預備穀賑民不待報輒

發倉守難之偉曰饑者待鋪能須臾緩耶督學來試偉爭餘杭人材多而取數少請復未汰時額從之

管九皋

富陽縣志字鶴野廣德人萬厯十一年以舉人知富陽縣催科不擾民自樂輸斷獄片言

豪強歛迹修學宮勸民樹植修築隄堰皆利及百年擢監察御史

鄔明昌

舊浙江通志湖廣漢陽人令錢塘沉毅寡言笑與客就坐嘗三易茶賓主不交一言而退

先是編役蠹胥為奸以賈下充見年一月三受笞而豪富者不納如故明昌每一戶給單一凡丁若干田地蕩若干銀若干分為四限納一限則截單一角謂之截角單不納者執單聽比掾胥豪猾之

弊一清

朱光祚

仁和縣志湖廣江夏人萬曆乙未進士令錢塘攝仁和才氣睿敏遇事片言立斷又得以

其餘接賢士大夫課諸生月有試試文夕入晨出殿最不爽催征示以限有先限及限輸者令無造

比鄉民安堵薦擢吏部司封郎

樊良樞

仁和縣志字致虛江西進賢人萬曆甲辰進士令仁和與人推誠開肺腑無所隱徵比以

大義勸之不事筭扑民亦感其恻愍乎先輸納歷遷浙江提學以不作魏璫祠碑解印綬歸

聶心湯

舊浙江通志新淦人萬曆中令錢塘事至即決庭無畱積與臺使者言利害可否必得請

乃已適南湖水溢錢邑欽賢諸鄉被災最烈於是建化灣塘次築閘次議濬南湖次建捍江塘民思

德其

黃鼎象

臨安縣志南安人以舉人任臨安令愛民重士纂修邑志時歲歉申請當道題准改折漕

糧

季概

富陽縣志六合人萬歷二十二年由貢生知富陽縣長厚有幹才多行善政崇學校疏鹽引革

稅弊民蒙其利

林恭章

福建通志字爾肅莆田人萬歷進士知海寧縣邑苦解糧大戶營脫輒令小戶當之恭章

議津貼法令民計畝入錢役遂得均厯湖廣右布政使

任才欽

富陽縣志晉江人萬歷二十八年由鄉舉知富陽縣釐剔賦稅宿弊敦崇名教闢說約堂

與諸生講道課業邑中節孝者旌禮之以勵風俗

劉洪謨

仁和縣志南昌人萬歷乙未進士選嚴州建

撫軍牙旗及繩歲一易曹吏以告洪謨曰吾且視

之曰旗與繩俱未敗浣而新之可也稅事起一日

程汝繼

餘杭縣志字敬承婺源人由進士萬歷三十

寺故址外高內陷特為高其

岳方

昌化縣志南充人以大理評事出知昌化縣時

則作礦息事

王橋

富陽縣志字榮子夷陵州人萬歷三十二年知

富陽縣明敏練達重士體抑豪強徵輸有方胥

吏懾服重造學宮修城隍廟清
理沙地號能吏歷貴州按察使

姚之蘭

舊浙江通志字汝芳桐城人萬歷中由進士
知杭州丰裁卓然訟無留獄接士以禮煦然

如坐春風中一時稱為冰鑑去之日
郡人立德馨祠於吳山及西湖兩處

戴日强

餘杭縣新志號兆台南湖自嘉靖後塘堰漸圯
十八年任餘杭邑南湖自嘉靖後塘堰漸圯

爲奸民盜決漲塞爲平陸佔佃者蟠結種植其中
天目諸山水驟發湖不能受南鄉十八里之民漂
溺幾半而錢塘延被其害曰强至悉置豪猾以重
法釐舊疆躬率民盡闢湖址縱橫十字培原隄各
五里亘湖中既令土之出有所容而亦藉堤之力
以暫緩洪波衝激之勢於是陡門函堰之制畢周
各設壩夫守
之而湖復故

余猶龍

昌化縣志字敏初廣東順德人由舉人萬厯四十四年任昌化專以惠恤民氏有爭訟諭

以忿恚可忍當思縣門不可入訟者感悟悉罷去每農月課勸農蠶俾婦女毋往廟寺遊觀邑野清靜

周宗建

仁和縣志字季侯吳江人萬厯癸丑進士選知德清縣調仁和十年一審役主者多不平

譁然爭於廷宗建適蒞事父老竊相語曰侯仁且廉讐言徒自譁張耳盍議定而後入衆皆曰諾及入宗建語曰役均乎皆應曰均第二里三里皆對如前宗建喜顧掾釀酒插父老花旗之其後此者役舛錯未善也顧間日而議定及期盡三百餘里役無不均者擢拜福建道御史忤魏璫詔獄瘐死崇禎初贈太僕寺少卿諡忠烈

楊春枝

富陽縣志雲南人萬厯四十六年以舉人知富陽縣持大體練達有斷吏不敢欺修城池

治街道政
聲大著

龐承寵

舊浙江通志字星易吳江人天啟間知杭州和易近人坐堂斷事或民懦氣懾口格格不

能吐承寵令其盡言無畏或奸宄巧詆喋利言勝人則整威嚴以臨之嘗言周禮五聽氣聽為微正欲聽其氣耳有兄弟訟者髮垂白承寵詰曰異母弟昆耶對曰一父之子也承寵曰今訟當非汝兩人心必中婦言迺至此兩人驚悔皆叩頭謝罪而去仕至江西布政使

顧謙服

杭州府志字民服天啟三年為昌化令課農桑興學校值歲飢多方勸諭設糜粥飢民賴

以存活里民解公帑抵府為庫吏所蝕藩司嚴檄督縣謙服抗辭陳守請逮吏嚴訊守恚曰知縣何

不代訊耶謙服受命請刑具立鞠於府廳
傍即從吏家追獲原帑解司成服其神

馬用錫

餘杭縣志字晉和晉江人天啟三年由舉人知餘杭縣夏大旱步禱甚勤凡再旬不雨用

錫以為吾方為民籲帝而尚督徵施笞朴豈克謹天戒意耶停徵三日而大雨歲遂以有年

岳虞巒

舊浙江通志武進人崇禎間知杭州善聽訟不事鉤距而事必得情及去郡有坐獄於庭

者稍不得理即曰使岳侯在當不至此

董葵陽

舊浙江通志威海衛人任杭州通判崇禎中署富陽篆凡徵收條賦令民自函投匭吏胥

不得上下其手知里催差催擾民盡革去其法檄本人自催間有三催後期者始發役追之更不得

額外立
加耗名

林塗

海寧縣志字子野侯官人崇禎進士授海寧令邑之袁化鎮有李刁三者故大家奴素以黠稱

乘間煽諸毒怨於諸大家者揭竿起其勢洶洶塗降牒某日詣鄉約所講約密縛刁三至庭下立杖殺之曉諭通衢以元兇既除餘悉不問一邑安堵民來訴事或對簿必告勉以孝弟廉讓久之民以塗訟庭為恥去之日陳其裝於庭藥裹書籤而外惟絹素四端而已

繆九鳳

舊浙江通志如皋人崇禎中任於潛下車即問民疾苦釐剔夙弊先是潛設里役凡官司

徵發皆取給焉既久吏緣為奸民甚苦之九鳳作放里歸農錄甚便操守嚴介門無私謁

韓鼎新

昌化縣志字又銘江都人崇禎間任昌化論值徵郡寇亂踰入官舍苛索金帛欲強繫以

去自
刎死

郭光詹

舊浙江通志晉江人崇禎間知於潛廉威特著獄率多破械歲編丁田皆自衡定催科

以漸生平一介不苟常鬻家田以自給其清介如此秩滿遷湖廣黃州府判

楊梯

舊浙江通志四川嘉定人崇禎中任於潛居官明斷時山邑盜賊竊發梯廉得首惡數人立斃

諸市民賴以安

顧咸建

舊浙江通志崑山人崇禎中令錢塘先歲大稔司農以粟入為殿最催科如束濕薪值糧

限者比戶懸罄往往雉經倉門外猶捕子弟抵償咸建下車分兩稅為十限貼於門令同甲提諭之

終不以符屬胥吏民緩徵得生後以節著

唐自彩

臨安縣志四川人崇禎間以貢士知臨安嚴明廉介後殉節

國朝

嚴正矩

湖廣通志字方公考感人明崇禎癸未進士順治初授嘉興推官判決明允庭無滯牘捐

俸糴粟以活飢民陞杭州知府禁暴安良保全屬

邑士民戴之歷戶部左侍郎致仕歸杭州府志正

矩號絮菴知杭州慕蘓文忠為政名其齋曰雪堂

郡有女尼出入豪貴為奸每出兩袖籠香時人稱

曰香姑正矩廉其狀寘諸法

李人龍

昌化縣志字光宸深澤人順治三年由舉人知昌化先是昌化陷於寇以徽人帥應璧行

縣事人龍至寄署臨安西墅檄諭昌民曰爾等故稱向順為一時叛寇脅從第能協心遵化他無所

恐由是士衆趨附餘賊猶依據山頂人龍親帥兵壯討捕諸受撫者令各歸農業邑境遂安嘗為民

申免寇逋田賦什九行取禮
科給事中辛卯典試浙江

張文光

錢塘縣志字譙明祥符人明崇禎戊辰進士
順治三年令錢塘浙閩初平山藪未靖協勦

之兵絡繹旁午少不合意則譁文光撤公座設酒
饌首宣

朝廷

用兵之意徐及小民困苦之形詳為開諭多歡飲
而去民賴以安奏最擢吏科給事中

費國暄

餘杭縣志字松崖無錫人進士順治八年知
餘杭縣性溫雅慈愛然持法峻有犯者未嘗

少貸閭里豪黠相戒遠避先是邑承明季之亂奸
宄嘯聚山藪南北兩鄉有賊首盛貴章賢等聚黨
數千白晝焚掠國暄部署丁壯八鄉勢相聯絡凡
盜欲有所劫者輒預知之捍禦有備同防將王鼎
新相機堵勦搜斬
甚衆民始獲安

秦嘉系

海寧縣志字公緒湖廣京山人順治九年由貢生知海寧發奸摘伏網紀肅然先是里中

風蠹巨憝抗賦寓訪通洋窩盜實繁有徒嘉系窮其根株翦其羽翼民害始息開浚市河修學校葺

邑乘建義塚清豪
估吏治稱首云

岳鍾淑

江南通志字天濤武進人武穆後裔順治壬辰進士授仁和令省會銜疲鍾淑力裁供億

積困以魁擢吏部主事陞比部郎假歸舊浙江通志鍾淑令仁和日召父老詢之曰長單法善乎曰

甚便其稱不便者獨掾役耳往時每比責現年顧現年一身力不能代伏地受笞花戶逍遙罔聞是以長單為便鍾淑遂力行之官民皆利

洪有度

新城縣志字子汪山西人順治十年由吏員授新城尉勤於職事辛丑三月白頭賊自淩

川抵縣刦掠富室有度聞警出追至母子嶺賊分
竄潛匿山谷至夜復前後擁圍有度奮力禦敵被
害其妻撫棺痛哭不食而死

習全史

舊浙江通志陝西同官人順治間任杭州府
同知漁臨關奸宄與關蠹通籍交關噬民全

史下車即爲剖禁諸暨某持兩斷足許告不休全
史曰此必夜行私竊爲失主所折奈何誣人某驚
服投兩足於江訟遂息以解軍儲至衢勞瘁卒
無以爲殮總督李率泰分俸給之始克歸櫬

虞毓粹

昌化縣志字含美東明人進士順治十三年
知昌化率先課士簡刑勸農昌邑向取本山

木造屋無稅各蠹勾連關差踵門科屋稅與馬偏
邑中造屋數十金稅費且倍徒毓粹力請兩院永
革之民賴以寧令昌邑十
載陞工部虞衡司主事

朱永盛

富陽縣志號泰囊陝西城固人已外舉人授富陽知縣攜二僕襆被至官以清釐宿弊為

已任胥吏憚之堂事畢輒與士民諮訪利弊令至必行數年間修城隍署辟開北城河立永濟渡修思波橋築三墩以捍之時山寇未靖以恩惠招徠之納降者無算審役之期均編有法貧民賴以息肩卒於官邑人為哀服三日

柩歸白木冠送者數千人

戈珽

舊浙江通志山西平陽人康熙四年知杭州府潔已愛民強毅精敏人服其明尤以崇儒重道

為已任與士子講學不倦

梁允植

錢塘縣志字承篤真定人以恩貢生知錢塘有幹濟才時杭郡之患惟逃人營債為最急

二者皆不逞之徒為之勾引允植廉得之於是嚴保甲以察窩家令自首賞其罪營債則專責之勾

引之人民乃蘇甲辰閏變總督李之芳移鎮三衢
巡按田逢吉督兵城守咸以允植為才命佐軍興
調兵食支應滿漢大兵解餉及火砲鉛彈軍器前
後運用船隻計萬有八千餘號夫役不計其數俱
出召僱民無怨咨遷袁州府同知題畱
以同知攝縣事事平擢延平府知府

許三禮

海寧縣志字酉山河南安陽人順治辛丑進
士任海寧令修濬城隍立社倉建義塾濬四

境塘河通漕資溉公私賴之特闢莊婆堰一帶塘
路至石門界以通輓運建正學書院朔望率紳士
講學其中凡地方應行事宜無不實
心舉行以循卓內擢官至禮部侍郎

靳襄

名宦畱祀冊遼東人康熙二十二年任杭糧通
判舊有開倉樣米及杯盤諸陋費盡行革除恪

遵官收官兌以甦民困嚴押弁丁糧艘休限抵通
陞理事同知統馭有方尤重文學在任七年與諸

生課試論文捐俸以資寒士登賢書者接踵他
若禦火災贖難民掩遺骸施丹藥善政不一

孫毓珩

名宦留祀冊遼東人康熙二十二年令新城
潔已奉公杜絕請托延接諸生必以禮首懲

豪惡犯法者裁革里胥陋規却茶商餽送新文廟
設義學每朔望率師生及里之老幼咸集公所宣

聖諭

畢復

傳聽講人等再四諄復一時士風丕振民俗

敦龐又新邑山峻地狹水源易涸難以灌溉田禾
乃於農隙之時親往督修舊堰以便蓄洩永昌一

鄉向因少堰每苦旱毓珩相度形勢開渠引水傾
囊助工築砌堰壩民因號為孫公堰西關火毓珩

於街市叩天祈止火遂息遇亢旱屏輿從曝赤日
中徒步步行數十里雨立沛不及避衣盡溼因冒寒
成疾卒於官民肖像祀之
至今昇像禱雨無不應者

浙江通志卷一百四十九